



## IZVJEŠTAJ O FINANSIJSKOJ REVIZIJI

# FEDERALNOG MINISTARSTVA OKOLIŠA I TURIZMA

# 2025.

Broj: 01-02-06-11-1-2900-7/25



Sarajevo, maj 2026.





## SADRŽAJ

I.	IZVJEŠTAJ NEZAVISNOG REVIZORA .....	1
1.	IZVJEŠTAJ O REVIZIJI FINANSIJSKIH IZVJEŠTAJA .....	1
2.	IZVJEŠTAJ O REVIZIJI USKLAĐENOSTI .....	2
II.	REZIME DATIH PREPORUKA.....	4
III.	KRITERIJI ZA FINANSIJSKU REVIZIJU.....	5
IV.	IZVJEŠTAJ O REVIZIJI.....	6
1.	UVOD .....	6
2.	PREDMET, CILJ I OBIM REVIZIJE.....	6
3.	PRAĆENJE PRIMJENE PREPORUKA I ANALIZA PREDUZETIH MJERA .....	6
4.	SISTEM INTERNIH KONTROLA .....	8
5.	OBAVLJANJE POSLOVA IZ NADLEŽNOSTI .....	10
6.	PLANIRANJE I IZVJEŠTAVANJE .....	11
6.1	Izrada i donošenje budžeta i plana rada.....	11
6.2	Izještavanje.....	11
7.	FINANSIJSKI IZVJEŠTAJI .....	11
7.1	GODIŠNJI IZVJEŠTAJ O IZVRŠENJU BUDŽETA.....	12
7.1.1	Prihodi i primici .....	12
7.1.1.1	Neporezni prihodi .....	12
7.1.2	Rashodi, izdaci i finansiranje.....	12
7.1.2.1	Plaće i naknade troškova zaposlenih .....	12
7.1.2.2	Izdaci za materijal, sitan inventar i usluge.....	13
7.1.2.3	Tekući transferi i drugi tekući rashodi .....	14
7.1.2.4	Nadzor nad namjenskim utroškom sredstava tekućih transfera realizovanih u prethodnom periodu i evaluacija učinaka/efekata dodijeljenih budžetskih sredstava .....	19
7.1.2.5	Nadzor nad namjenskim utroškom sredstava finansijske pomoći dodijeljenih subjektima turističko-ugostiteljskog sektora po Uredbi o interventnim mjerama za podršku ugroženim sektorima privrede FBiH u okolnostima pandemije COVID-19 za 2020. godinu.....	20
7.1.2.6	Kapitalni transferi .....	21
7.1.2.7	Nadzor nad namjenskim utroškom sredstava kapitalnih transfera realizovanih u prethodnom periodu i evaluacija učinaka/efekata dodijeljenih budžetskih sredstava .....	24
7.2	BILANS STANJA.....	24
7.2.1	Gotovina, kratkoročna potraživanja, razgraničenja i zalihe.....	24
7.2.2	Stalna sredstva .....	25
7.2.2.1	Stalna sredstva .....	25
7.2.2.2	Dugoročni plasmani .....	25
7.2.3	Kratkoročne obaveze i razgraničenja.....	25
7.2.4	Popis imovine i obaveza .....	25
8.	JAVNE NABAVKE .....	26
9.	OSTALI NALAZI .....	27
9.1	Projekti finansirani kreditnim i grant sredstvima .....	27
10.	KOMENTARI NA NACRT IZVJEŠTAJA.....	28
V.	PRILOZI .....	29
1.	GODIŠNJI FINANSIJSKI IZVJEŠTAJI.....	29
2.	IZJAVA RUKOVODSTVA .....	29



## I. IZVJEŠTAJ NEZAVISNOG REVIZORA

Izveštaj nezavisnog revizora daje se na osnovu provedene finansijske revizije, koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

### 1. IZVJEŠTAJ O REVIZIJI FINANSIJSKIH IZVJEŠTAJA

#### *Mišljenje*

Izvršili smo reviziju finansijskih izvještaja **Federalnog ministarstva okoliša i turizma (u daljnjem tekstu: Ministarstvo)**, koji obuhvataju: Bilans stanja na 31. 12. 2025. godine, Račun prihoda i rashoda, Izveštaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta za godinu koja se završava na taj dan, te Analizu iskaza – tekstualni dio, uključujući i rezime značajnih računovodstvenih politika.

**Prema našem mišljenju, finansijski izvještaji istinito i fer prikazuju, u svim materijalnim aspektima, finansijski položaj Ministarstva na 31. 12. 2025. godine i izvršenje budžeta za godinu koja se završava na taj dan, u skladu s prihvaćenim okvirom finansijskog izvještavanja.**

#### *Osnova za mišljenje*

Reviziju finansijskih izvještaja obavili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava.<sup>1</sup> Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 200 – Principi finansijske revizije i ISSAI 2000–2899 – standardi finansijske revizije. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju finansijskih izvještaja*.

Nezavisni smo od Ministarstva u skladu s ISSAI-jem 130 – Etički kodeks, te u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

#### *Odgovornost rukovodstva za finansijske izvještaje*

Ministrica je odgovorna za izradu i fer prezentaciju finansijskih izvještaja, u skladu s prihvaćenim okvirom finansijskog izvještavanja u Federaciji Bosne i Hercegovine. Ova odgovornost podrazumijeva i kreiranje, primjenu i održavanje internih kontrola, relevantnih za pripremu i prezentaciju finansijskih izvještaja koji ne sadrže materijalno značajne pogrešne iskaze usljed prevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena koje su razumne u datim okolnostima.

#### *Odgovornost revizora za reviziju finansijskih izvještaja*

Naši ciljevi su steći razumno uvjerenje o tome da li su finansijski izvještaji kao cjelina bez značajnog pogrešnog prikaza usljed prevare ili greške, kao i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajno pogrešno prikazivanje kada ono postoji. Pogrešni prikazi mogu nastati usljed prevare ili greške i smatraju se značajnim ako se razumno

---

<sup>1</sup> Odluka o usvajanju i objavi INTOSAI Okvira profesionalnih objava („Sl. novine FBiH“, broj 17/25). INTOSAI Okvir profesionalnih objava (engl. IFPP) čini tri nivoa objava: INTOSAI principi (INTOSAI-P), međunarodni standardi vrhovnih revizijskih institucija (ISSAI) i INTOSAI smjernice (GUID).



može očekivati da, pojedinačno ili zbirno, utiču na ekonomske odluke korisnika donesene na osnovu tih finansijskih izvještaja.

Kao dio revizije, u skladu s INTOSAI Okvirom profesionalnih objava, stvaramo profesionalne procjene i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikazivanja finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja, nastalog usljed prevare, veći je od rizika nastalog usljed greške, jer prevara može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola Ministarstva;
- ocjenjujemo primjerenost korištenih računovodstvenih politika i razumnost računovodstvenih procjena, kao i povezanih objava rukovodstva;
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s rukovodstvom, između ostalih pitanja, i u vezi s planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom revizije.

## 2. IZVJEŠTAJ O REVIZIJI USKLAĐENOSTI

### *Mišljenje s rezervom*

Uz reviziju finansijskih izvještaja **Federalnog ministarstva okoliša i turizma za 2025. godinu** izvršili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, osim za navedeno u odjeljku *Osnova za mišljenje s rezervom*, aktivnosti, finansijske transakcije i informacije Ministarstva za 2025. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.

### *Osnova za mišljenje s rezervom*

*Kao što je navedeno u Izvještaju:*

1. **Dio tekućih i kapitalnih transfera u iznosu od 898.207 KM planiran je i evidentiran na pogrešnim pozicijama unutar tekućih i kapitalnih transfera, što nije u skladu sa Zakonom o budžetima u FBiH, Pravilnikom o knjigovodstvu budžeta u FBiH i Računovodstvenim politikama za federalne budžetske korisnike i trezor. Navedeno je imalo za posljedicu da finansijski izvještaji ne daju tačne podatke o transferima, prema njihovim korisnicima (tačke 6.1 , 7.1.2.3 i 7.1.2.6 Izvještaja).**

Reviziju usklađenosti izvršili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava. Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 400 – Principi revizije usklađenosti i ISSAI 4000 – Standard za reviziju usklađenosti. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju usklađenosti*.

Nezavisni smo od Ministarstva u skladu s ISSAI-jem 130 – Etički kodeks, kao i u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.



Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje s rezervom.

### ***Isticanje pitanja***

Skrećemo pažnju na sljedeće pitanje:

- **Rokovi za kontrolu namjenskog utroška sredstava po Javnom pozivu za podnošenje prijave za dodjelu finansijske pomoći poslovnim subjektima iz turističko-ugostiteljskog sektora u okolnostima pandemije COVID-19 su više puta produžavani, te su sa 31. 12. 2025. godine aktivnosti kontrole namjenskog utroška sredstava okončane. Od 340 korisnika kojima su dodijeljena sredstva, izvršena je kontrola za 246, odnosno 72% korisnika. Ministarstvo nije izvršilo ponovnu kontrolu za 94 korisnika, a u međuvremenu je nastupio rok zastare (tačka 7.1.2.5 Izvještaja).**

Naše mišljenje nije modifikovano u vezi s navedenim pitanjem.

### ***Odgovornost rukovodstva za usklađenost***

Pored odgovornosti za pripremu i fer prezentaciju finansijskih izvještaja, ministrica je odgovorna da osigura da aktivnosti, finansijske transakcije i informacije budu u skladu s propisima kojima su regulisane i potvrdi da je tokom fiskalne godine obezbijedilo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### ***Odgovornost revizora za reviziju usklađenosti***

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajnu neusklađenost kada ona postoji. Odgovornost revizora uključuje obavljanje procedura kako bi pribavili revizijske dokaze o tome da li se sredstva koriste za odgovarajuće namjene i da li je poslovanje Ministarstva, prema definisanim kriterijima, usklađeno sa zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 20. 5. 2026. godine

**ZAMJENICA GENERALNOG REVIZORA**

**Nina Džidić, s. r.**

**GENERALNI REVIZOR**

**Mirza Kudić, s. r.**



## II. REZIME DATIH PREPORUKA

REDNI BROJ	PREPORUKA	POGLAVLJE/TAČKA
1.*	Uspostaviti finansijsko upravljanje i kontrolu u dijelu koji se odnosi na primjenu načela razdvajanja dužnosti shodno Zakonu o finansijskom upravljanju i kontroli u javnom sektoru u FBiH, a Pravilnik o popisu uskladiti sa odredbama Zakona o računovodstvu i reviziji u FBiH.	4.
2.	Osigurati podnošenje pisanog izvještaja o realizaciji mjera iz Plana integriteta u skladu sa Odlukom o njegovom usvajanju, a izvještaj o provođenju mjera i preporuka za poboljšanje integriteta sačiniti i dostaviti Antikorupcionom timu Vlade FBiH.	4.
3.*	Tekuće i kapitalne transfere planirati i evidentirati u skladu s Računovodstvenim politikama za federalne budžetske korisnike i Trezor i Pravilnikom o knjigovodstvu budžeta u FBiH.	6.1
4.*	U godišnjem izvještaju o izvršenju budžeta iskazivati sve planirane prihode, uključujući namjenske prihode, u skladu s Pravilnikom o finansijskom izvještavanju i godišnjem obračunu budžeta u FBiH.	7.
5.	Utvrđiti efekte utroška budžetskih sredstava shodno Smjernicama o minimalnim standardima dodjele budžetskih sredstava putem transfera i subvencija u FBiH.	7.1.2.4
6.	Osigurati blagovremeno provođenje svih faza prilikom dodjele sredstava tekućih transfera u cilju njihove efikasne realizacije u godini u kojoj su odobrena i blagovremenog nadzora nad namjenskim utroškom dodijeljenih sredstava.	7.1.2.4
7.	Usaglasiti vrijednosti kapitalnih projekata čije je finansiranje definisano Programom javnih investicija Federacije BiH 2025-2027. godina sa iskazanim vrijednostima projekata u IP obrascima.	9.1

\* nerealizovane preporuke iz prethodnog perioda (tri)



### III. KRITERIJI ZA FINANSIJSKU REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi reviziju finansijskih izvještaja i reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetima u FBiH;
  - Uredba o računovodstvu budžeta u FBiH;
  - Pravilnik o knjigovodstvu budžeta u FBiH;
  - Pravilnik o finansijskom izvještavanju i godišnjem obračunu budžeta u FBiH;
- Zakon o izvršavanju Budžeta FBiH za 2025. godinu;
- Budžet FBiH za 2025. godinu;
- Zakon o računovodstvu i reviziji u FBiH;
- Zakonom o federalnim ministarstvima i drugim tijelima federalne uprave;
- Zakon o trezoru u FBiH;
- Zakon o finansijskom upravljanju i kontroli u javnom sektoru u FBiH;
- Zakon o internoj reviziji u javnom sektoru u FBiH;
- Zakon o državnoj službi u FBiH, član 33;
- Zakon o namještenicima u organima državne službe u FBiH, član 34;
- Zakon o plaćama i naknadama u organima vlasti FBiH;
- Zakon o radu;
- Zakon o porezu na dohodak, član 10;
- Zakon o doprinosima, član 11;
- Zakon o javnim nabavkama;
- Uredba o interventnim mjerama za podršku ugroženim sektorima privrede FBiH u okolnostima pandemije COVID-19;  
kao i drugi podzakonski akti navedenih zakona.



## IV. IZVJEŠTAJ O REVIZIJI

### 1. UVOD

**Federalno ministarstvo okoliša i turizma** osnovano je u skladu sa Zakonom o federalnim ministarstvima i drugim tijelima federalne uprave.<sup>2</sup> Vršiti upravne, stručne i druge poslove iz nadležnosti FBiH, koji se odnose na: ekološku zaštitu zraka, vode i zemlje; izradu strategije i politike zaštite okoliša; standarde kvaliteta zraka, vode i zemlje; ekološko praćenje i kontrolu zraka, vode i zemlje; izradu strategije politike razvoja turizma i ugostiteljstva; praćenje turističkih tokova na domaćim i inostranim tržištima; usmjeravanje dugoročnog razvoja turizma u okviru cjelokupnog privrednog sistema i druge poslove utvrđene zakonom.

Unutrašnja organizacija i način rada utvrđeni su Pravilnikom o unutrašnjoj organizaciji iz novembra 2025. godine, na koji je Vlada FBiH dala saglasnost<sup>3</sup>.

Pravilnikom o unutrašnjoj organizaciji Ministarstva uređen je način rada i rukovođenja, te opis radnih mjesta službenika i namještenika. Sistematizovana su radna mjesta za 93 izvršioca, a na 31. 12. 2025. godine bilo je zaposleno 47.

Ministarstvom rukovodi ministrica Nasiha Pozder, imenovana 28. 4. 2023. godine.

Sjedište Ministarstva je u Sarajevu, u Ulici Hamdije Čemerlića broj 2.

### 2. PREDMET, CILJ I OBIM REVIZIJE

Predmet revizije su finansijski izvještaji Ministarstva za 2025. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i da li bilanci u potpunosti odražavaju rezultate izvršenja budžeta. Revizijom će se procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu s internim planskim dokumentima, s prekidima u periodu od oktobra 2025. do maja 2026. godine.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

### 3. PRAĆENJE PRIMJENE PREPORUKA I ANALIZA PREDUZETIH MJERA

Ured za reviziju institucija u FBiH (u daljem tekstu: Ured) izvršio je finansijsku reviziju Ministarstva za 2024. godinu, sačinio Izvještaj o izvršenoj reviziji i dao pozitivno mišljenje na finansijske izvještaje i mišljenje s rezervom na usklađenost poslovanja sa zakonskim i ostalim propisima. U Izvještaju su date preporuke s ciljem otklanjanja uočenih propusta i nedostataka.

Ministarstvo je postupilo u skladu s članom 16. tačka 3. Zakona o reviziji institucija u FBiH i obavijestilo Ured o preduzetim radnjama u cilju prevazilaženja nepravilnosti identifikovanih u revizorskom izvještaju. Revizijom je konstatovano da su većim dijelom preduzete mjere u skladu s planiranim aktivnostima.

Uvidom u preduzete aktivnosti i analizom realizacije datih preporuka utvrdili smo sljedeće:

---

<sup>2</sup> „Sl. novine FBiH“, br. 58/02, 19/03, 38/05, 02/06, 08/06, 61/06 i 48/11

<sup>3</sup> Prije ovog Pravilnika na snazi je bio Pravilnikom o unutrašnjem uređenju sa posljednjim izmjenama iz 2023. godine



<b>Realizovane preporuke</b>	
1.	Imenovana je komisija za izbor stručnjaka, a njihov rad organizovan je na način da osiguraju učešće nezavisnih predstavnika akademske zajednice, u skladu s Pravilnikom o utvrđivanju uslova i kriterija za stavljanje na listu stručnjaka koji mogu biti imenovani u stručne komisije za ocjenu studija uticaja na okoliš.
2.	Rješenja o imenovanju radnih tijela i izvještaji o radu sačinjavani su kako je propisano Uredbom o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovodilaca federalnih organa državne službe.
3.	Za obavljanje poslova utvrđenih Pravilnikom o unutrašnjoj organizaciji angažovanje izvršilaca vrši se u skladu sa Zakonom o državnoj službi u FBiH i Zakonom o namještenicima u organima državne službe u FBiH.
4.	Utvrđeni su jasni potkriteriji za ocjenjivanje svih kriterija za vrednovanje projekata koji se finansiraju iz kapitalnih transfera, s ciljem objektivnog bodovanja i transparentnog izbora korisnika sredstava.
5.	Postupci javnih nabavki planiraju se i provode blagovremeno, uzimajući u obzir period potreban za njihovo provođenje, u skladu sa odredbama Zakona o javnim nabavkama.
<b>Djelimično realizovane preporuke</b>	
1.	Analiza iskaza sačinjena je na način da sadrži sve elemente, kako je propisano Pravilnikom o finansijskom izvještavanju i godišnjem obračunu budžeta u FBiH. Međutim, u Godišnjem izvještaju o izvršenju budžeta nisu iskazane planske veličine prihoda.
2.	Intenzivirane su aktivnosti na preispitivanju dokumentacije kojom je izvršeno pravdanje utroška sredstava finansijske pomoći, kao i aktivnosti na povratu sredstava koja nisu namjenski utrošena, u skladu s Uredbom o interventnim mjerama za podršku ugroženim sektorima privrede FBiH u okolnostima pandemije COVID-19 i ugovorima zaključenim s korisnicima sredstava, uvažavajući rok zastare od pet godina. Međutim, aktivnosti nisu okončane, a u međuvremenu je nastupio rok zastare, zbog čega se preporuka ne ponavlja.
<b>Nerealizovane preporuke</b>	
1.	Uspostaviti finansijsko upravljanje i kontrolu u dijelu koji se odnosi na primjenu načela razdvajanja dužnosti, a interne akte uskladiti sa zakonskim propisima, shodno Zakonu o finansijskom upravljanju i kontroli u javnom sektoru u FBiH.
2.	Tekuće i kapitalne transfere planirati i realizovati u skladu s kontnim planom utvrđenim Pravilnikom o knjigovodstvu budžeta u FBiH.

Nakon izvršene revizije za 2025. godinu dato je ukupno sedam preporuka, od čega su četiri nove i tri preporuke koje su već date u Izvještaju o finansijskoj reviziji za 2024. godinu (dvije nerealizovane i jedna djelimično realizovana)<sup>4</sup>.

### **Postupanje po Pismu menadžmentu**

U toku obavljene prethodne revizije konstatovano je da postoje određene slabosti sistema internih kontrola, koje mogu uticati na finansijske izvještaje i usklađenost poslovanja. Putem pisma menadžmentu koje je dostavljeno nakon obavljene prethodne revizije obavijestili smo o slabostima i dali odgovarajuće preporuke, kako bi se preduzele aktivnosti s ciljem njihovog otklanjanja prije

<sup>4</sup> Preporuka koja se odnosi na intenziviranje aktivnosti na preispitivanju dokumentacije kojom je izvršeno pravdanje utroška sredstava finansijske pomoći, kao i aktivnosti na povratu sredstava koja nisu namjenski utrošena, u skladu s Uredbom o interventnim mjerama za podršku ugroženim sektorima privrede FBiH u okolnostima pandemije COVID-19 i ugovorima zaključenim s korisnicima sredstava je ocijenjena kao djelimično realizovana, ali nije ponovljena, s obzirom na to da je nastupio rok zastare od pet godina.



sačinjavanja godišnjih finansijskih izvještaja za 2025. godinu, i kako se one ne bi ponovile u izvještaju o finansijskoj reviziji za 2025. godinu.

U pismu menadžmentu date su dvije preporuke, koje su implementirane do dana sačinjavanja izvještaja o finansijskoj reviziji.

Implementacijom preporuka datih u pismu menadžmentu Ministarstvo je pokazalo spremnost za otklanjanje utvrđenih nepravilnosti i uspostavljanje sistema internih kontrola.

#### 4. SISTEM INTERNIH KONTROLA

Cilj sistema internih kontrola je da osigura razumno uvjerenje da Ministarstvo u poslovanju upravlja javnim sredstvima zakonito, transparentno, ekonomično, efikasno i efektivno, odnosno da interne kontrole funkcionišu u skladu s važećom regulativom.

##### *Finansijsko upravljanje i kontrola*

Finansijsko upravljanje i kontrola je sveobuhvatan sistem internih kontrola koji uspostavljaju i za koji su odgovorni rukovodioci korisnika javnih sredstava, a kojim se upravljajući rizicima osigurava razumno uvjerenje da će se u ostvarivanju ciljeva budžetska i druga sredstva koristiti pravilno, ekonomično, efikasno i efektivno. Sistem internih kontrola uspostavlja se donošenjem internih propisa i akata, u skladu s važećom regulativom.

Zakon o finansijskom upravljanju i kontroli u javnom sektoru u FBiH<sup>5</sup> i Pravilnik o provođenju finansijskog upravljanja i kontrole u javnom sektoru u FBiH<sup>6</sup> nalažu uspostavljanje, vođenje i procjenu sistema internih kontrola na osnovu COSO modela.

Poslovi i zadaci iz nadležnosti Ministarstva vrše se u okviru osnovnih i unutrašnjih organizovanih jedinica: Kabinet ministra, Sektor okoliša, Sektor za okolišne dozvole, procjenu uticaja na okoliš, stratešku procjenu i registre zagađivača okoliša, Sektor za turizam i ugostiteljstvo, Sektor za upravljanje otpadom i Sektor za pravne i opće poslove, ljudske resurse, budžet i finansije.

Pravilnikom o unutrašnjoj organizaciji uređena je unutrašnja organizacija, vrste organizacijskih jedinica i njihov djelokrug, sistematizacija radnih mjesta, rukovođenje, ovlaštenja i odgovornosti u rukovođenju, stručni kolegij, saradnja u vršenju poslova, programiranje i planiranje rada, radni odnosi i disciplinska odgovornost, javnost rada i druga pitanja od značaja za organizaciju i rad. Ministarstvo radi sa manjim brojem izvršilaca i popunjenošću radnih mjesta od 51% u odnosu na usvojeni Pravilnik, što može dovesti u pitanje obavljanje pojedinih poslova iz njegove nadležnosti. Imajući u vidu navedenu popunjenost radnih mjesta, unutar Ministarstva nije osigurano poštivanje principa razdvajanja dužnosti prilikom formiranja komisija za ocjenu prijave po javnim pozivima za dodjelu sredstava transfera i pravdanje utroška sredstava. Također, smanjena popunjenost utiče na aktivnosti blagovremenog raspisivanja javnih poziva za dodjelu sredstava transfera, kao i na prolongiranje rokova za kontrolu namjenskog utroška sredstava, što povećava rizik nastanka nepravilnosti. Budžetom FBiH za 2025. godinu odobrena su sredstva za 52 zaposlena, koliko je i traženo budžetskim zahtjevom. Na 31. 12. 2025. godine bilo je 47 zaposlenih. Novim Pravilnikom o unutrašnjoj organizaciji iz 2025. godine formiran je Odsjek za stratešku procjenu utjecaja strategije, plana i programa na okoliš, u kojem je zaposlen samo jedan izvršilac, i to pomoćnik ministra, dok preostala četiri sistematizovana mjesta nisu popunjena.<sup>7</sup> Ministarstvo je Agenciji za državnu službu FBiH u toku 2025. godine uputilo četiri zahtjeva za raspisivanje konkursa koji su okončani prijemom tri uposlenika, dok je jedan postupak u toku.

Sačinjen je Registar rizika sa mapom procesa u kojoj je dat opis procesa. Izvršeno je ažuriranje rizika i njihov unos u Aplikaciju PIFC, u skladu sa Zaključkom Vlade FBiH od 25. 6. 2025. godine.

---

<sup>5</sup> „Sl. novine FBiH“, br. 38/16

<sup>6</sup> „Sl. novine FBiH“, br. 6/17, 3/19 i 37/24

<sup>7</sup> Nisu popunjena sljedeća radna mjesta: šef odsjeka, stručni savjetnik za stratešku procjenu utjecaja strategije, plana i programa na okoliš, viši stručni suradnik za stratešku procjenu utjecaja strategije, plana i programa na okoliš i stručni suradnik za stratešku procjenu utjecaja strategije, plana i programa na okoliš



Ministarstvo je usvojilo značajan broj internih akata i procedura s ciljem uspostavljanja kontrolnih aktivnosti kao jedne od komponenti sistema internih kontrola. Pravilnik o popisu stalnih sredstava iz 2016. godine nije usklađen sa odredbama Zakona o računovodstvu i reviziju u FBiH u dijelu koji se odnose na rokove sačinjavanja izvještaja o popisu i njegovog dostavljanja nadležnoj finansijskoj službi.

Godišnji izvještaj o funkcionisanju sistema finansijskog upravljanja i kontrole sačinjen je i dostavljen Centralnoj harmonizacijskoj jedinici Federalnog ministarstva finansija, u skladu s članom 10. Pravilnika o provođenju finansijskog upravljanja i kontrole u javnom sektoru u FBiH. U izvještaju su navedene mjere koje se planiraju poduzeti za daljni razvoj finansijskog upravljanja i kontrole: vođenje evidencija obuka po zaposleniku, evidencija rizika uz plansku dokumentaciju, izrada procedura o kontroli sa obrascima za kontrolu, implementacija OWIS sistema, back-up podataka, unapređenje Pravilnika o sistemu internih kontrola iz 2018. godine.

Ministarstvo je u februaru 2025. godine donijelo Plan razvoja finansijskog upravljanja i kontrole za 2025. godinu. Izvještaj o realizaciji Plana razvoja finansijskog upravljanja i kontrole za 2025. sačinjen je u martu 2026. godine u skladu sa odredbama Pravilnika o provođenju finansijskog upravljanja i kontrole u javnom sektoru u Federaciji Bosne i Hercegovine. Ministarstvo je u februaru 2026. sačinilo Plan razvoja finansijskog upravljanja i kontrole za 2026. godinu.

**Revizijom je utvrđeno da nije osigurana primjena načela razdvajanja dužnosti, s obzirom na to da su pojedini zaposlenici Odsjeka za budžet i finansije imenovani u komisije za ocjenjivanje prijave po javnim pozivima za dodjelu sredstava transfera i pravdanje utroška sredstava, kao i da pojedini organizacioni dijelovi nemaju adekvatnu popunjenost radnih mjesta, što smanjuje mogućnost kontrole i povećava rizik nastanka nepravilnosti. Pravilnik o popisu nije usklađen sa odredbama Zakona o računovodstvu i reviziji u FBiH. Shodno navedenom, konstatovano je da Ministarstvo nije uspostavilo sistem finansijskog upravljanja i kontrole u skladu s odredbama Zakona o finansijskom upravljanju i kontroli u javnom sektoru u FBiH.**

Izjava o fiskalnoj odgovornosti sačinjena je i dostavljena Federalnom ministarstvu finansija u skladu s članom 2. i 6. Pravilnika o obliku i sadržaju, načinu popunjavanja i predaje izjave o fiskalnoj odgovornosti.

#### **Preporuka:**

- ***uspostaviti finansijsko upravljanje i kontrolu u dijelu koji se odnosi na primjenu načela razdvajanja dužnosti shodno Zakonu o finansijskom upravljanju i kontroli u javnom sektoru u FBiH, a Pravilnik o popisu uskladiti sa odredbama Zakona o računovodstvu i reviziji u FBiH.***

#### **Interna revizija**

Ministarstvo nema predviđen niti formiran odjel za internu reviziju. Zakonom o internoj reviziji u javnom sektoru u FBiH<sup>8</sup> i Pravilnikom o kriterijima za uspostavljanje jedinica za internu reviziju u javnom sektoru u FBiH<sup>9</sup> predviđeno je da će za Ministarstvo internu reviziju obavljati Jedinica za internu reviziju pri Federalnom ministarstvu finansija. Ministarstvo nije bilo predmet revizije Jedinice za internu reviziju u 2025. godini.

#### **Prevenција korupcije**

Ministarstvo je u februaru 2023. godine usvojilo Plan integriteta. Odlukom o usvajanju Plana integriteta utvrđena je obaveza da koordinator zadužen za sprovođenje Plana integriteta najmanje jednom godišnje ministru podnese pisani izvještaj o realizaciji mjera iz Plana integriteta. Nije prezentovana dokumentacija da je podnesen navedeni izvještaj o realizaciji mjera iz Plana integriteta. Osim toga, Ministarstvo nije sačinilo Izvještaj o provedbi Plana integriteta i dostavilo ga Antikorupcionom timu Vlade FBiH, kako je utvrđeno Akcionim planom za borbu protiv korupcije za period od 2021. godine do donošenja nove strategije za borbu protiv korupcije u Federaciji BiH.

---

<sup>8</sup>„Sl. novine FBiH“, br. 47/08, 101/16

<sup>9</sup>„Sl. novine FBiH“, br. 49/20



**Preporuka:**

- **osigurati podnošenje pisanog izvještaja o realizaciji mjera iz Plana integriteta u skladu sa Odlukom o njegovom usvajanju, a izvještaj o provođenju mjera i preporuka za poboljšanje integriteta sačiniti i dostaviti Antikorupcionom timu Vlade FBiH.**

## 5. OBAVLJANJE POSLOVA IZ NADLEŽNOSTI

Federalnom strategijom zaštite okoliša 2022-2032. godine obuhvaćena je šira oblast zaštite okoliša, koja je u skladu sa sedam tematskih oblasti pravne stečevine EU i skupom strateških aktivnosti, te uključuje: upravljanje vodama; upravljanje otpadom; biodiverzitet i zaštitu prirode; kvalitet zraka, klimatske promjene i energiju; hemijsku sigurnost i buku; održivo upravljanje resursima (uključujući poljoprivredu, šumarstvo, ribarstvo i rudarske aktivnosti); i upravljanje okolišem (kao horizontalnu politiku).

Ministarstvo je u 2025. godini započelo učešće u aktivnostima u okviru Projekta unapređenja kvaliteta zraka, u skladu sa Sporazumom između Bosne i Hercegovine i Međunarodne banke za obnovu i razvoj. U aktivnosti po ovom projektu uključene su općine iz Kantona Sarajevo, Tuzlanskog, Zeničko-dobojskog i Hercegovačko-neretvanskog kantona, kao i Federalni hidrometeorološki zavod, za koji se vrši nabavka opreme. Pored toga, putem Kapitalnog transfera za zaštitu okoliša-Akcioni plan strategije okoliša planirano je finansiranje i provođenje aktivnosti na podršci izgradnji novih i unapređenju rada postojećih regionalnih deponija za upravljanje otpadom i podršci sanaciji i zatvaranju općinskih odlagališta komunalnog otpada i prilagođavanje regionalnom konceptu upravljanja otpadom. Za navedene aktivnosti provedeni su javni pozivi, te je izabranim korisnicima izvršena dodjela sredstava tekućih i kapitalnih transfera, a okončanje njihove realizacije planirano je do kraja 2026. godine.

Strategijom razvoja turizma u FBiH 2022-2027. godine predviđen je ubrzan rast i razvoj sektora turizma, sa utvrđenim prioritetima i mjerama; opisane su mjere sa indikativnim područjima djelovanja; utvrđeni strateški projekti; indikatori za monitoring rezultata mjera; te prikazani razvojni efekti. U vezi s tim, Ministarstvo je u toku 2025. godine provelo javne pozive za dodjelu sredstava tekućih i kapitalnih transfera za razvoj turizma, što je detaljnije obrazloženo u tačkama 7.1.2.3 i 7.1.2.6 Izvještaja. Potpisan je Sporazum sa Razvojnim programom Ujedinjenih nacija (UNDP) koji se odnosi na Projekat Via Dinarica, a s ciljem jačanja održivog razvoja turizma i lokalnog ekonomskog rasta.

Vlada FBiH je na prijedlog Ministarstva donijela Uredbu o strateškoj procjeni uticaja strategije, plana ili programa na okoliš i obimu, sadržaju i ocjeni strateške studije<sup>10</sup>, kojom se, između ostalog, određuju okviri za zahvate u strategijama, planovima i programima koji podliježu ocjeni o potrebi strateške procjene uticaja na okoliš, kriteriji za utvrđivanje mogućeg značajnog uticaja izmjena i/ili dopuna strategija, planova ili programa na okoliš u postupku strateške procjene, način provođenja postupka i donošenja odluke o provođenju strateške procjene, način provođenja postupka strateške procjene, način utvrđivanja obaveznog sadržaja i izrade strateške studije, utvrđuje sadržaj programa praćenja stanja okoliša u pogledu značajnih uticaja strategije, plana i programa pri njihovom provođenju, izradu i sadržaj izvještaja o provedenoj strateškoj procjeni i informisanje javnosti, inspekcijski nadzor nad provođenjem ove uredbe, te druga pitanja vezana za stratešku procjenu.

U vezi sa utvrđenim obavezama, Ministarstvo je provodilo aktivnosti strateške procjene uticaja na okoliš za Plan upravljanja otpadom Zeničko-dobojskog kantona, ocjene strateške studije uticaja na okoliš za Federalni plan upravljanja otpadom 2026-2030. godine i strateške procjene uticaja na okoliš za Program istraživanja nafte, kondenzata i prirodnih gasova na prostoru Federacije BiH.

Ministrica je donijela Pravilnik o uslovima za određivanje načina i uslova odlaganja otpada na deponije, uslovima rada za deponije i načinu i uslovima zatvaranja deponija<sup>11</sup>.

Prethodno navedene aktivnosti utvrđene su Planom rada Ministarstva za 2025. godinu.

<sup>10</sup> „Sl. novine FBiH“, br. 12/25

<sup>11</sup> „Sl. novine FBiH“, br. 51/25

## 6. PLANIRANJE I IZVJEŠTAVANJE

### 6.1 Izrada i donošenje budžeta i plana rada

Budžetom FBiH za 2025. godinu<sup>12</sup> Ministarstvu su odobrena sredstva u iznosu od 11.710.428 KM. Odobrena sredstva odnose se na: tekuće transfere i druge tekuće rashode (4.750.000 KM), kapitalne transfere (3.500.000 KM), plaće i naknade troškova zaposlenih (2.370.907 KM), doprinose poslodavca i ostale doprinose (211.521 KM), izdatke za nabavku stalnih sredstava (370.000 KM) i izdatke za materijal, sitan inventar i usluge (508.000 KM).

U toku godine nije bilo preraspodjela.

Ukupna raspoloživa sredstva Ministarstva u 2025. godini iznosila su 11.609.284 KM.

Ministarstvo je, na osnovu Trogodišnjeg plana rada za 2025.-2027. godinu, sačinilo Godišnji plan rada za 2025. godinu.

Na poziciji tekućih transfera drugim nivoima vlasti-transfer za razvoj turizma evidentiran je iznos od najmanje 848.127 KM, a odnosi se na transfere neprofitnim organizacijama, kao i kapitalni transfer za razvoj turizma na poziciji drugim nivoima vlasti u iznosu od najmanje 50.080 KM, koji se odnosi na neprofitne organizacije.

Revizijom je konstatovano da Ministarstvo prilikom planiranja budžeta tekuće i kapitalne transfere nije planiralo i iskazalo na odgovarajućim grupama konta, u skladu s Računovodstvenim politikama za federalne budžetske korisnike i Trezor,<sup>13</sup> Kontnim planom koji je dio Pravilnika o knjigovodstvu budžeta u FBiH,<sup>14</sup> što je obaveza utvrđena članom 20. Zakona o budžetima u FBiH i odredbama Uredbe o računovodstvu budžeta u FBiH.<sup>15</sup> To je za posljedicu imalo da transferi nisu knjigovodstveno evidentirani na propisanim pozicijama, zbog čega finansijski izvještaji ne daju tačne podatke o transferima, prema njihovim korisnicima.

#### *Preporuka:*

- *tekuće i kapitalne transfere planirati i evidentirati u skladu s Računovodstvenim politikama za federalne budžetske korisnike i Trezor i Pravilnikom o knjigovodstvu budžeta u FBiH.*

### 6.2 Izvještavanje

Godišnji izvještaj o radu Ministarstva za 2025. godinu sačinjen je i dostavljen Federalnom zavodu za programiranje razvoja 4. 2. 2026. godine.

## 7. FINANSIJSKI IZVJEŠTAJI

Ministarstvo je sačinilo Godišnje finansijske izvještaje za 2025. godinu i dostavilo ih nadležnim institucijama u skladu s važećim propisima i u utvrđenom roku.

U Analizi iskaza, sačinjenoj uz godišnje računovodstvene izvještaje, obrazloženo je izvršenje budžeta u skladu s Pravilnikom o finansijskom izvještavanju i godišnjem obračunu budžeta u FBiH.

**Budžetom za 2025. godinu planirani su namjenski prihodi u iznosu od 100.000 KM, koji nisu iskazani u godišnjem izvještaju o izvršenju budžeta.**

Periodični izvještaji dostavljeni su u skladu s Pravilnikom o finansijskom izvještavanju i godišnjem obračunu budžeta u FBiH.

---

<sup>12</sup> „Sl. novine FBiH“, br. 7/25

<sup>13</sup> „Sl. novine FBiH“, br. 58/16

<sup>14</sup> „Sl. novine FBiH“, br. 60/14 i 99/23

<sup>15</sup> „Sl. novine FBiH“, br. 34/14 i 66/23



**Preporuka:**

- **u godišnjem izvještaju o izvršenju budžeta iskazivati sve planirane prihode, uključujući namjenske prihode, u skladu s Pravilnikom o finansijskom izvještavanju i godišnjem obračunu budžeta u FBiH.**

## **7.1 GODIŠNJI IZVJEŠTAJ O IZVRŠENJU BUDŽETA**

### **7.1.1 Prihodi i primici**

U Godišnjem izvještaju o izvršenju budžeta za 2025. godinu iskazani su prihodi u iznosu od 126.896 KM i u cijelosti se odnose na neporezne prihode.

#### **7.1.1.1 Neporezni prihodi**

Neporezne prihode Ministarstva najvećim dijelom čine: prihodi od uplata za polaganje ispita voditelja poslovnice putničkih agencija i turističkog vodiča (79.050 KM) i prihodi od izdavanja okolišnih dozvola (44.407 KM).

Navedeni prihodi odnose se na obavljanja poslova iz nadležnosti, u skladu s odredbama Zakona o zaštiti okoliša i Zakona o turističkoj djelatnosti, a odnose se na procjenu uticaja na okoliš, kao i na održavanje ispita za turističke vodiče i voditelje poslovnica putničke agencije. Uplaćuju se na depozitni račun Budžeta FBiH, u skladu s Pravilnikom o načinu uplate javnih prihoda budžetskih i vanbudžetskih fondova na teritoriju Federacije BiH. Prikupljena namjenska sredstva prenose se na podračun koji je otvoren u okviru Jedinstvenog računa Trezora, a kojim Ministarstvo raspolaže u skladu sa Uputstvom federalnog ministra finansija o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih transakcijskih računa otvorenih kao podračun u okviru Jedinstvenog računa Trezora.

### **7.1.2 Rashodi, izdaci i finansiranje**

U Godišnjem izvještaju o izvršenju budžeta za 2025. iskazani su rashodi i izdaci u iznosu od 11.137.007 KM, što u odnosu na odobreni budžet od 11.710.007 KM predstavlja ostvarenje od 95 %.

#### **7.1.2.1 Plaće i naknade troškova zaposlenih**

**Bruto plaće i naknade plaća** za 2025. godinu su iskazane u iznosu od 1.846.110 KM. Izvršen je uvid u obračun plaća i naknada zaposlenih za januar, april, septembar i decembar 2025. godine.

Obračun plaća je regulisan Zakonom o plaćama i naknadama u organima vlasti FBiH,<sup>16</sup> Kolektivnim ugovorom za službenike organa uprave i sudske vlasti u FBiH (u daljem tekstu: Kolektivni ugovor),<sup>17</sup> Pravilnikom o plaćama i naknadama koje nemaju karakter plaće rukovodećih i ostalih državnih službenika, namještenika i savjetnika federalnog ministra (u daljem tekstu: Pravilnik o plaćama i naknadama).

Kolektivnim ugovorom i Aneksom II Kolektivnog ugovora za službenike organa uprave i sudske vlasti u FBiH propisano je da se obračunata plaća uvećava za 0,6% za svaku navršenu godinu, do najviše 24%. Uvidom u Pravilnik o plaćama i naknadama Ministarstva u toku prethodne revizije utvrđeno je da je u njemu propisano da se osnovna plaća uvećava za 0,5% za svaku započetu godinu penzijskog staža, a najviše do 20%. Revizijom je konstatovano da su se primjenjivale odredbe Kolektivnog ugovora, iako postojeći interni akt nije bio usklađen sa važećim zakonskim i podzakonskim aktima. Ministarstvu je u Pismu menadžmentu data preporuka da se Pravilnik o plaćama i naknadama uskladi sa važećim Kolektivnim ugovorom. Ministarstvo je realizovalo preporuku u decembru 2025. godine donošenjem novog Pravilnika o plaćama i naknadama koji je usklađen sa Kolektivnim ugovorom.

---

<sup>16</sup> „Sl. novine FBiH“, br. 45/10 i 111/12, 20/17, 22/19 – odluka Ustavnog Suda i „Sl. glasnik BiH“, br. 45/10 i 111/12 i 20/17

<sup>17</sup> „Sl. novine FBiH“, br. 98/23



Uvidom u evidencije o radnom vremenu, utvrđeno je da se vode u skladu sa Pravilnikom o sadržaju i načinu vođenja evidencije o radnicima i drugim licima angažovanim na radu.

Obračun plaća i naknada je izvršen u skladu sa zakonskim i podzakonskim propisima i internim aktima Ministarstva.

**Naknade troškova zaposlenih** iskazane su u iznosu od 310.375 KM, a odnose se na naknade za: topli obrok tokom rada (141.166 KM), otpremnine zbog odlaska u penziju (38.082 KM), prevoz na posao i sa posla (36.985 KM), regres za godišnji odmor (34.762 KM), troškove smještaja (31.642 KM), pomoć u slučaju ostalih bolesti (12.178 KM), pomoć u slučaju smrti (6.360 KM), odvojeni život od porodice (6.000 KM) i pomoć u slučaju teže invalidnosti (3.200 KM). Uvidom u rješenja za pojedine vrste naknada utvrđeno je da se obračun i isplata vrše u skladu s podzakonskim aktima.

Ocjenjivanje državnih službenika i namještenika je izvršeno blagovremeno i u skladu sa Zakonom o državnoj službi,<sup>18</sup> Zakonom o namještenicima u organima državne službe u FBiH<sup>19</sup> i Pravilnikom o ocjenjivanju rada državnih službenika u organima državne službe u FBiH.<sup>20</sup>

### 7.1.2.2 Izdaci za materijal, sitan inventar i usluge

**Izdaci za materijal, sitan inventar i usluge** iskazani su u iznosu od 373.792 KM i najvećim dijelom se odnose na ugovorene i druge posebne usluge.

**Ugovorene i druge posebne usluge** iskazane su u iznosu od 213.373 KM a najvećim dijelom odnose se na izdatke za rad komisija (107.991 KM).

**Izdaci za rad u komisijama** odnose se na naknade za rad u komisijama koje se finansiraju od uplata fizičkih i pravnih lica i koje su imenovane po posebnim zakonskim propisima, a to su Komisija za okolinske dozvole (38.335 KM), Komisija za polaganje stručnog ispita za turističkog vodiča (31.570 KM), Komisija za voditelja poslovnice (5.070 KM) i za ostale komisije (33.016 KM).

Naknade za rad u komisijama koje se finansiraju od uplata fizičkih i pravnih lica, način naplate i angažovanja zaposlenika Ministarstva i drugih stručnih lica, kao i visina naknade, propisani su aktima Ministarstva.<sup>21</sup>

Ostale naknade članovima komisija koje su finansirane iz budžetskih sredstava u skladu sa Uredbom o načinu osnivanja i utvrđivanju visine naknade za rad radnih tijela osnovanih od strane Vlade FBiH i rukovodilaca federalnih organa državne službe iskazane su u iznosu od 33.016 KM, a odnose se u najvećoj mjeri na obavljanje poslova u komisijama za: javne nabavke (12.062 KM), davanje mišljenja potrebnog za verifikaciju stručnog mišljenja (ocjene) biologa za posebnu procjenu ekološki prihvatljivog protoka (4.440 KM), upravni odbor Projekta „Vodoopskrba i odvodnja otpadnih voda u FBiH (2.960 KM), popis stalnih sredstava, sitnog inventara, obaveza, potraživanja i novčanih sredstava u 2024. godini (3.330 KM), zaštitu prirode i davanje mišljenja na studiju o procjeni rizika, uvođenju stranih divljih vrsta u prirodu, ponovnog uvođenja nestalih zavičajnih divljih vrsta u prirodu, te uzgoju stranih divljih vrsta (2.142 KM), komisiju za izbor državnog službenika (1.200 KM). Uvidom u prezentovanu dokumentaciju vezano za formiranje, rad i isplatu naknada članovima komisija konstatovano je da su u skladu sa Uredbom o načinu osnivanja i utvrđivanju visine naknade za rad radnih tijela osnovanih od strane Vlade FBiH i rukovodilaca federalnih organa državne službe.

Obračun naknada članovima komisija koji su zaposleni u Ministarstvu nije imao tretman prihoda od nesamostalne djelatnosti kako je propisano Zakonom o porezu na dohodak,<sup>22</sup> Pravilnikom o

<sup>18</sup> „Sl. novine FBiH“, br. 29/03, 23/04, 39/04, 54/04, 67/05, 8/06, 77/06, 34/10, 4/12, 99/15 i 9/17

<sup>19</sup> „Sl. novine FBiH“, br. 49/05 i 103/21

<sup>20</sup> „Sl. novine FBiH“, br. 30/20

<sup>21</sup> Pravilnik o pogonima, postrojenjima i skladištima u kojima su prisutne opasne supstance koje mogu dovesti do nesreća većih razmjera, „Sl. novine FBiH“, br. 51/21, 96/22; Pravilnik o uvjetima i kriterijima za davanje ovlaštenja nositeljima izrade studije utjecaja na okoliš, načinu i kriterijima koje moraju ispunjavati nositelji izrade studije utjecaja na okoliš i visini naknade izdavanja ovlaštenja nositeljima izrade studije utjecaja na okoliš, „Sl. novine FBiH“, br. 19/22, 36/22; Pravilnik o stručnom ispitu za voditelje poslovnice putničke agencije, „Sl. novine FBiH“, br. 46/20; Pravilnik o stručnom ispitu za turističke vodiče, „Sl. novine FBiH“, br. 46/20

<sup>22</sup> „Sl. novine FBiH“, br. 10/08, 9/10, 44/11, 7/13, 65/13



primjeni Zakona o porezu na dohodak,<sup>23</sup> Zakonom o doprinosima<sup>24</sup> i Pravilnikom o načinu obračunavanja i uplate doprinosa<sup>25</sup> zbog stava Federalnog ministarstva finansija i zato što nisu osigurani preduslovi za obračun poreza i doprinosa. Zbog ograničenja postojeće aplikacije za obračun plaća i naknada u Trezoru FBiH nisu obračunati i uplaćeni propisani porez i doprinosi.

### 7.1.2.3 Tekući transferi i drugi tekući rashodi

**Tekući transferi** planirani su u iznosu od 4.750.000 KM i odnose se na transfere drugim nivoima vlasti i fondovima. Od navedenog iznosa se na transfer za razvoj turizma u FBiH odnosi 2.500.000 KM, na Akcioni plan Strategije okoliša 1.750.000 KM i na transfer Nacionalnom parku „Una“ 500.000 KM. Ministarstvo je sačinilo programe utroška sredstava tekućih transfera, koje je odlukama usvojila Vlada FBiH u skladu sa odredbama Zakona o izvršavanju Budžeta u FBiH za 2025. godinu.

Tekući transferi i drugi tekući rashodi su iskazani u iznosu od 4.657.952 KM, a odnose se na transfer za razvoj turizma u Federaciji BiH (2.407.953 KM), Akcioni plan strategije okoliša (1.749.999 KM) i Tekući transfer za JP Nacionalni park „Una“ (500.000 KM).

**Tekući transfer za razvoj turizma** odobren je u iznosu od 2.500.000 KM Odlukom Vlade FBiH o usvajanju Programa utroška sredstava od 14. 5. 2025. godine.<sup>26</sup> Raspodjela sredstava predviđena je za realizaciju osam programa, i to:

R. br.	Naziv programa	Planirani iznos	Iznos odobren korisnicima
1.	Program podrške manifestacijama od internacionalnog značaja za razvoj turizma Federacije BiH (festivali, sajmovi, konferencije, turističko-gastronomski i kulturno-umjetnički događaji)	900.000	1.124.400
2.	Program podrške manifestacijama od značaja za razvoj domaćeg/lokalnog turizma Federacije BiH(festivali, sajmovi, konferencije, turističko-gastronomski i kulturno-umjetnički događaji)	400.000	570.000
3.	Program podrške konkurentnosti, razvoju turizma i/ili za prevazilaženje sezonalnosti, putem specifičnih oblika turizma, kulturnog, vjerskog, agroturizma i sportsko-avanturističkog turizma	400.000	175.600
4.	Sufinansiranje promocije za jačanje specifičnih oblika turističke ponude	250.000	250.000
5.	Program podrške putničkim agencijama i turoperatorima koje rade na dovođenju turista u BiH - INCOMING na međunarodnim turističkim sajmovima u svojstvu izlagača i B2B sastancima van BiH, kao i organizacija fam tripova u cilju što bolje promocije turističkog potencijala Federacije BiH	200.000	30.000
6.	Program podrške projektima na rutama Via Dinarice u saradnji s UNDP-om	100.000	100.000
7.	Program za brendiranje turizma Federacije BiH u saradnji s UNDP-om	200.000	200.000
8.	Program podrške razvoju agroturizma u saradnji s UN organizacijom za hranu i poljoprivredu (FAO)	50.000	50.000
	<b>UKUPNO</b>	<b>2.500.000</b>	<b>2.500.000</b>

Iz prethodnog tabelarnog pregleda je vidljivo da su sredstva odobrena u iznosu od 2.500.000 KM, a u Glavnoj knjizi su evidentirana u iznosu manjem za 92.047 KM. Navedena razlika odnosi se na dva ugovora koji nisu potpisana zbog odustajanja subjekata (42.047 KM), dok Program 8. nije realizovan (50.000 KM).

<sup>23</sup> „Sl. novine FBiH“ br. 48/21, 77/21, 20/22, 5/23, 85/23,97/23, 36/24, 57/24,101/24, 11/25, 22/25, 33/25, 43/25, 60/25

<sup>24</sup> „Sl. novine FBiH“, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21, 6/23, 28/23, 33/25

<sup>25</sup> „Sl. novine FBiH“, br. 64/08, 81/08, 98/15, 6/17, 38/17, 39/18, 12/21, 6/22, 19/23, 48/25

<sup>26</sup> Odluka V broj 835/2025 od 14. 5. 2025. godine („Sl. novine FBiH“, br. 37/25)



Raspodjela sredstava za programe od jedan do pet izvršena je na osnovu Javnog poziva od 13. 6. 2025. godine, kojim je propisana dokumentacija koju su aplikanti bili dužni dostaviti prilikom prijave, te kriteriji s potkriterijima za bodovanje.

Za programe šest i sedam potpisani su ugovori sa UNDP-om, kojim su utvrđeni međusobna prava i obaveze.

Ministrica je 28. 4. 2025. godine imenovala Komisiju za selekciju, koja je vršila ocjenu ispunjenosti općih uslova, a 10. 7. 2025. godine Komisiju za ocjenjivanje prijava pristiglih putem Javnog poziva. Svaka komisija svoj rad utvrdila je poslovnikom. Ukupno je pristiglo 326 prijava, a nakon njihove selekcije i ocjene, sredstva su odobrena za 115 korisnika. Odluke o izboru korisnika sredstava donesene su u periodu od 8. 9. do 8. 10. 2025. godine i objavljene su na internet-stranici Ministarstva. Većina ugovora sa korisnicima sredstava potpisana je u novembru, a isplata je najvećim dijelom izvršena u decembru 2025. godine.

**Programom 1. predviđena je podrška manifestacijama od internacionalnog značaja za razvoj turizma Federacije Bosne i Hercegovine (festivali, sajmovi, konferencije, turističko-gastronomski i kulturno-umjetnički događaji).** Na javni poziv su se mogla prijaviti pravna i fizička lica registrovana na teritoriji Federacije BiH, udruženja i fondacije (registrovane na teritoriji općine/grada, kantona, Federacije BiH i BiH) s razrađenim projektima za manifestacije koje se održavaju u periodu od 1. 1. do 31. 12. 2025. godine.

Kao svrha programa utvrđena je promocija turističke ponude Federacije BiH kroz manifestacije od interesa za Federaciju Bosne i Hercegovine, s ciljem povećanja posjećenosti i razvoja održivog turizma. Kriteriji za raspodjelu sredstava su: tradicija organiziranja manifestacije; broj učesnika i posjetitelja; trajanje manifestacije; udio vlastitih sredstava minimalno 20% ukupne vrijednosti projekta; doprinos internacionalnoj prepoznatljivosti destinacije; promocija; preporuka resornog kantonalnog ministarstva. Kao minimalan iznos za dodjelu sredstava utvrđen je iznos 15.000 KM a maksimalan 50.000 KM.

Prijave su pristigle za ukupno 107 korisnika, od čega je odobreno 49 u ukupnom iznosu od 1.124.400 KM. Korisnici kojima je dodijeljen najveći iznos sredstava su: Udruga „Evergreen fest“ Čitluk (29.327 KM), Udruga „Blaž Enelogy“ Čitluk (28.637 KM), Udruženje Centar za razvoj i promociju novih tehnologija i esporta „Arena“ (28.637 KM) i U. D. „Boms-expo“ d.o.o. Gračanica (28.637 KM).

**Programom 2. predviđena je podrška manifestacijama od značaja za razvoj domaćeg/lokalnog turizma Federacije Bosne i Hercegovine (festivali, sajmovi, konferencije, turističko-gastronomski i kulturno-umjetnički događaji).** Na javni poziv su se mogla prijaviti pravna i fizička lica, registrovana na teritoriji Federacije BiH, udruženja i fondacije (registrovane na teritoriji općine/grada, kantona, Federacije BiH i BiH) s projektima za manifestacije koje se održavaju u periodu od 1. 1. do 31. 12. 2025. godine. Kao svrha programa utvrđena je promocija lokalnih turističkih potencijala kroz manifestacije od interesa za Federaciju BiH, s ciljem povećanja posjećenosti i razvoja održivog turizma. Utvrđeni su sljedeći kriteriji za raspodjelu sredstava: tradicija organizovanja manifestacije; broj učesnika i posjetitelja; trajanje manifestacije; udio vlastitih sredstava: minimalno 20% ukupne vrijednosti projekta; značaj manifestacije za Federaciju BiH; uključenost lokalnih zanatlija, poljoprivrednika i specifičnih djelatnosti i proizvoda koje podržavaju lokalnu autohtonost destinacije; preporuka kantonalnog resornog ministarstva. Kao minimalan iznos za dodjelu sredstava utvrđen je iznos 5.000 KM, a maksimalan 20.000 KM.

Prijave su pristigle za ukupno 93 korisnika, od čega su sredstva odobrena za 41 u ukupnom iznosu od 570.000 KM. Korisnici kojima je dodijeljen najveći iznos sredstava su: Grad Ljubuški (18.483 KM), MM d.o.o. Mostar (18.483 KM), JU „Centar za kulturu i informisanje“ Srebrenik (18.483 KM), Udruženje „Gradski sportski savez“ Bosanska Krupa (18.483 KM), Udruga građana „Žilavka“ Čitluk (18.483 KM), JKP „Panonica“ d.o.o. Tuzla (18.000 KM).

**Program 3. odnosi se na podršku konkurentnosti, razvoju turizma i/ili za prevazilaženje sezonalnosti, putem specifičnih oblika turizma, kulturnog, vjerskog, agroturizma i sportsko-avanturističkog turizma.** Na javni poziv su se mogla prijaviti pravna i fizička lica registrovana na teritoriji Federacije BiH, udruženja i fondacije (registrovane na teritoriji općine/grada, kantona, Federacije BiH i BiH). Kao svrha programa utvrđeni su poboljšanje kvaliteta usluga i produljenje



turističke sezone kroz podršku specifičnim oblicima turizma, zelenog turizma, agroturizma, vjersko-tradicijskog turizma, sportsko-avanturističkog turizma uz prepoznavanje kulturno-historijskih i prirodnih datosti, a uz primjenu ekoloških standarda, edukaciju i autohtonu ponudu. Utvrđeni su sljedeći kriteriji za raspodjelu sredstava: doprinos produženju turističke sezone; udio vlastitih sredstava: minimalno 20% ukupne vrijednosti projekta; vjerskotradicijski turizam; prirodne i kulturnohistorijske datosti; autohtona turističko-ugostiteljska ponuda; primjena ekoloških standarda; preporuka resornog kantonalnog ministarstva; žena nositeljica djelatnosti; mladi do 30 godina starosti: podsticanje inovacija među mladima, poput startup-a za ekoturizam i agroturizam. Utvrđeni su minimalni i maksimalni iznosi za dodjelu sredstava, i to od 5.000 KM do 30.000 KM.

Pristigle su prijave 68 korisnika, od čega je odobreno osam u ukupnom iznosu od 175.600 KM. Korisnici kojima su dodijeljeni najveći iznosi sredstava su: Inventa d.o.o. Sarajevo (30.000 KM), Agencija za organizaciju događaja „Acar Events“ Sarajevo (30.000 KM), Altair d.o.o. Sarajevo (30.000 KM) i Udruženje „Kultura Media“ (27.000 KM).

**Programom 4. predviđeno je sufinansiranje promocije za jačanje specifičnih oblika turističke ponude.** Predviđeni korisnici sredstava su pravna i fizička lica, registrovana na teritoriji Federacije BiH, udruženja i fondacije (registrovane na teritoriji općine/grada, kantona, Federacije BiH i BiH) s projektima za izradu promotivnog materijala za jačanje specifičnih oblika turističke ponude. Kao svrha programa utvrđeni su stvaranje prepoznatljivog turističkog brenda kroz promotivne aktivnosti koje podržavaju zeleni turizam, produženje turističke sezone, vjersko-tradicijski turizam, sportsko-avanturistički turizam i promociju prirodnih i kulturnohistorijskih datosti, uključujući štampane i elektronske materijale, kampanje, te angažman promotora-influensera i blogera i organizaciju fam tripova. Kriteriji za raspodjelu sredstava su sljedeći: procjena dometa promocije; udio vlastitih sredstava u iznosu od minimalno 20% ukupne vrijednosti projekta; doprinos produženju turističke sezone; kreiranje sadržaja za hodočasnička mjesta ili tradicionalne običaje; video ili foto materijali koji ističu lokalitete od značaja za turizam Federacije Bosne i Hercegovine oslonjene na prirodne i kulturno-historijske datosti; originalnost projekta: inovativni pristupi, poput VR tura ili interaktivnih mapa; preporuka resornog kantonalnog ministarstva; žena nositeljica djelatnosti; mladi do 30 godina starosti. Predviđeni minimalni iznos za dodjelu je 5.000 KM, a maksimalni 20.000 KM.

Prijave su pristigle 48 korisnika, od čega je odobreno 16 u ukupnom iznosu od 250.000 KM. Sljedećim korisnicima su odobreni najveći iznosi: „Poeta Pista dizajn, marketing i izdavaštvo“ d.o.o. (20.000 KM), Coloseum d.o.o. Tuzla (20.000 KM), TSEU Herceg Mostar (20.000 KM), Turistička agencija „Zoor Bosna“ Konjic (20.000 KM) i Arterija d.o.o. za promociju, marketing i izdavaštvo Sarajevo (17.935 KM).

**Programom 5. predviđena je podrška putničkim agencijama i turoperatorima koje rade na dovođenju turista u BiH - INCOMING na međunarodnim turističkim sajmovima u svojstvu izlagača i B2B sastancima van BiH, kao i organizacija fam tripova** u cilju što bolje promocije turističkog potencijala FBiH. Svrha programa je promocija turističkih resursa Federacije BiH, sa ciljem povećanja broja dolazaka turista na području Federacije BiH. Predviđeni korisnici sredstava su putničke agencije i turoperatori registrovani na području Federacije BiH s projektima za učešće na Međunarodnim turističkim sajmovima u svojstvu izlagača i B2B sastancima van BiH, kao i organizacija fam tripova, koje se održavaju u periodu od 1. 1. do 31. 12. 2025. godine. Kao cilj je utvrđena promocija turističkih resursa Federacije BiH, sa ciljem povećanja broja dolazaka turista na području Federacije BiH. Kriteriji za raspodjelu sredstava: udio vlastitih sredstava: minimalno 20% ukupne vrijednosti projekta; minimalno pet godina iskustva u radu; izjava aplikanta o broju dovedenih turista u 2024. godini; dokaz o posjeti međunarodnim turističkim sajmovima u svojstvu izlagača i B2B sastancima van BiH, te organizovanim fam tripovima; preporuka resornog kantonalnog ministarstva. Predviđeni minimalni iznos za dodjelu je 5.000 KM, a maksimalni 20.000 KM.

Pristigle su prijave deset korisnika, od čega je odobrena jedna u ukupnom iznosu od 30.000 KM.

**Na osnovu provedene revizije i uvida u prezentovanu dokumentaciju koja se odnosi na izbor korisnika, utvrđeno je da su sredstva po navedenim programima odobrena u skladu sa utvrđenim kriterijima.**

**Na poziciji tekućih transfera drugim nivoima vlasti – transfer za razvoj turizma evidentiran je iznos od 848.127 KM, a odnosi se na transfere neprofitnim organizacijama. Zbog navedenog,**



konstatovano je da rashodi nisu planirani i evidentirani u skladu sa Pravilnikom o knjigovodstvu budžeta u FBiH.

Tekući transfer drugim nivoima vlasti i fondovima – Akcioni plan Strategije okoliša odobren je u iznosu od 1.750.000 KM, a iskazan u iznosu od 1.749.999 KM. Zakonom o izvršavanju Budžeta FBiH za 2025. godinu utvrđeno je da se ovaj transfer realizuje u skladu sa odlukama Vlade FBiH.

Vlada FBiH je 4. 6. 2025. godine donijela Odluku o usvajanju programa utroška sredstava sa kriterijima raspodjele „Tekući transfer drugim nivoima vlasti – Akcioni plan strategije okoliša“.

Po navedenoj odluci predviđeno je ukupno 12 programa, čija realizacija je iskazana u sljedećoj tabeli:

R. br.	Naziv programa	Planirani iznos	Iznos odobren korisnicima
1.	Podrška izrade investiciono-tehničke dokumentacije za projekte iz oblasti upravljanja otpadom u Federaciji BiH	160.000	160.000
2.	Sanacija i uklanjanje nesanitarnih (divljih) odlagališta otpada koja se nalaze u Federaciji BiH	400.000	400.000
3.	Podrška boljem funkcioniranju upravljanja uspostavljenim zaštićenim područjima u Federaciji BiH, iz nadležnosti nižih nivoa vlasti	445.000	114.280
4.	Sufinansiranje izrade Studije izvodljivosti za zaštitu područja rijeka Bune i Bunice njihovih izvorišta i bunskih kanala	80.000	80.000
5.	Sufinansiranje izrade Stručnog obrazloženja za proglašenje zaštićenog područja Vodopada Kravice i dijela rijeke Trebižat	60.000	60.000
6.	Finansiranje izrade Plana upravljanja za zaštićeno područje (VI kategorija zaštite) "Zvijezda"	50.000	50.000
7.	Finansiranje izrade Inventarizacije ptica u Federaciji BiH	90.000	49.477
8.	Sufinansiranje izrade Stručnog obrazloženja za proglašenje zaštićenog područja Krug planina	70.000	70.000
9.	Sufinansiranje izrade Stručnog obrazloženja za realizaciju projekta "Uspostavljanje procesa za uvođenje specifičnih oblika zaštite prirode u Federaciji Bosne i Hercegovine kroz razvoj i implementaciju drugih efektivnih mjera očuvanja za određena područja - OECM u saradnji s UNDP-om	100.000	100.000
10.	Sakupljanje i zbrinjavanje plutajućeg otpada sa prirodnih jezera	100.000	20.329
11.	Finansiranje izrade projekta kojim bi se definisale kratkoročne i dugoročne aktivnosti i mjere u svrhu otklanjanja problema i unapređenja stanja kvalitete voda u jezerima Federacije BiH (I faza)	155.000	135.000
12.	Podrška provođenja postupka strateške procjene utjecaja na okoliš koji može nastati provedbom Federalnog plana upravljanja otpadom	40.000	40.000
	<b>UKUPNO</b>	<b>1.750.000</b>	<b>1.279.086</b>

Za programe 1, 4, 5, 6, 8, 9. i 12. u Odluci o usvajanju programa utroška sredstava su navedeni korisnici sredstava, dok su se ostali programi realizovali putem javnog poziva.

Javni poziv za odabir korisnika sredstava po programima 2, 3, 7, 10 i 11 objavljen je 19. 6. 2025. godine. Zaprimito je ukupno 26 prijava, a sredstva su odobrena za 12 korisnika u ukupnom iznosu od 719.085 KM. Po svim programima odobreno je ukupno 1.279.086 KM, nakon čega je jedan korisnik odustao od potpisivanja ugovora u iznosu od 49.477 KM (Finansiranje izrade Inventarizacije ptica u Federaciji BiH).

**Programom 2. predviđeni su sanacija i uklanjanje nesanitarnih (divljih) odlagališta otpada koja se nalaze u Federaciji BiH.** Predviđeni korisnici sredstava su kantoni, gradovi i općine na području Federacije BiH na čijem području se nalaze divlja odlagališta. Kriteriji za izbor projekta su: procijenjena količina i vrsta otpada; stepen ugroženosti okoliša u postojećem stanju i okruženju (blizina vode, naselja, zaštićenih područja, zaštićenih područja koja su u proceduri proglašenja, turističkih potencijala, poljoprivrednog zemljišta i dr.); ponuđeno tehničko rješenje (elaborat) za zbrinjavanje otpada; visina obezbijeđenih vlastitih



finansijskih sredstava ili visina sredstava obezbijeđenih iz drugih izvora. Sredstva su odobrena za sedam korisnika u ukupnom iznosu od 400.000 KM. Najveći iznosi dodijeljeni su sljedećim korisnicima: Grad Ljubuški (92.286 KM), Općina Gornji Vakuf-Uskoplje (92.286 KM), Grad Stolac (76.000 KM), Grad Čapljina (70.000 KM). Uvidom u odabrani uzorak tri prijave ukupne vrijednosti od 184.255 KM utvrđeno je da su sredstva ovog programa odobrena u skladu sa utvrđenim kriterijima.

**Programom 3. predviđena je podrška boljem funkcionisanju upravljanja uspostavljenim zaštićenim područjima u Federaciji BiH, iz nadležnosti nižih nivoa vlasti.** Predviđeni korisnici sredstava su institucije koje upravljaju zaštićenim prirodnim područjima u Federaciji Bosne i Hercegovine. Kriteriji za izbor projekata su akt o proglašenju zaštićenog područja (npr. Zakon o proglašenju zaštićenog područja, Odluka o proglašenju zaštićenog područja ili drugi akt o proglašenju zaštićenog područja); plan upravljanja zaštićenim područjem (ukoliko je istekao Plan upravljanja, ili je u izradi Plan upravljanja, ili je isti u fazi usvajanja, neophodna je saglasnost nadležnog ministarstva za planirane projektne aktivnosti); pismo preporuke nadležnog kantonalnog ministarstva (ako se zaštićeno područje prostire na dva ili više kantona, dostaviti pismo preporuke svih nadležnih resornih ministarstava); dokaz da je osigurana najmanje jedna četvrtina novčanih sredstava u odnosu na ukupnu vrijednost projekta; dosadašnje iskustvo podnosilaca u provođenju istih ili sličnih programa ili projekata.

Sredstva su odobrena u ukupnom iznosu od 114.280 KM za dva korisnika, i to: Kantonalna javna ustanova za zaštićena prirodna područja Sarajevo (60.000 KM) i JU „Vjetrenica“ Ravno (54.280 KM).

**Programom 11. predviđeno je finansiranje izrade projekta kojim bi se definisale kratkoročne i dugoročne aktivnosti i mjere u svrhu otklanjanja problema i unapređenja stanja kvalitete voda u jezerima Federacije BiH (I faza).** Osnovna svrha Projekta je analiza informacija o problemu cvjetanja i toksina u oblasti monitoringa voda i monitoringa aktivnosti za akumulacije/jezera, te sistematizacija i objedinjavanje postojećih znanja, iskustava i poduzetih mjera od relevantnih subjekata (ministarstava, agencija, zavoda, elektroprivrede i dr.) po pitanju problema cvjetanja i njihovih poznatih uzročnika. Realizacijom prve faze dat će se prijedlog potrebnih istraživanja za drugu fazu na području Federacije BiH. Kriteriji za izbor projekta su: iskustvo u provođenju ovakvih projekata; pripremljenost projekta; usklađenost sa strateškim dokumentima; vremenski okvir; relevantnost i doprinos ciljevima Federalne strategije zaštite okoliša; predloženi ekspertni tim; dokaz o tehničkoj i stručnoj osposobljenosti ponuđača (raniji projekti, referenca); reference sličnih realizovanih projekata (na državnom ili regionalnom nivou). Predviđeni korisnici sredstava su stručne institucije (instituti, zavodi), akademska zajednica i nevladin sektor.

Sredstva su odobrena za korisnika Udruženje „Resursni centar za okoliš“ u iznosu od 135.000 KM.

S obzirom na to da nakon okončanja procedure izbora korisnika sredstva nisu utrošena u cijelosti, na prijedlog Ministarstva je 1. 10. 2025. donesena nova Odluka o usvajanju programa utroška sredstava, a 6. 10. 2025. raspisan je drugi Javni poziv, kojim su predviđena sredstva u ukupnom iznosu od 520.391 KM za sljedeće programe:

- Program 1. Sanacija i uklanjanje nesanitarnih (divljih) odlagališta otpada koja se nalaze u Federaciji BiH (planirana sredstva 320.391 KM);
- Program 2. Podrška boljem funkcionisanju upravljanja uspostavljenim zaštićenim područjima u Federaciji BiH, iz nadležnosti nižih nivoa vlasti (planirana sredstva 200.000 KM).

Zaprimljeno je ukupno 18 prijava, a sredstva su odobrena za 11 korisnika u ukupnom iznosu od 408.938 KM. Izvršen je uvid u aplikacije pet korisnika za Program 1. u ukupnom iznosu od 135.552 KM i jednu aplikaciju za Program 1. u iznosu od 88.548 KM. Utvrđeno je da je odabir korisnika izvršen u skladu sa kriterijima utvrđenim u Javnom pozivu.

Po okončanju drugog Javnog poziva, sredstva nisu utrošena u cijelosti, tako da je za treći Javni poziv preostalo 111.453 KM. Na prijedlog Ministarstva, Vlada FBiH je 2. 12. 2025. godine donijela novu Odluku o usvajanju programa utroška sredstava, a 4. 12. 2025. raspisan je treći Javni poziv, kojim su predviđena sredstva u ukupnom iznosu od 111.453 KM, i to za:

- Program 1. Podrška boljem funkcionisanju upravljanja uspostavljenim zaštićenim područjima u Federaciji BiH, iz nadležnosti nižih nivoa vlasti (planirana sredstva 111.453 KM).

Na navedeni program pristigla je jedna prijava koja je i odobrena. Sredstva su dodijeljena Ministarstvu prometa, veza i zaštite okoliša Posavskog kantona u iznosu od 111.453 KM, a uvidom u proceduru izbora korisnika, utvrđeno je da je izvršena u skladu sa utvrđenim kriterijima u Javnom pozivu.

**Tekući transfer za JP Nacionalni park „Una“** iskazan je u iznosu od 500.000 KM. Zakonom o Nacionalnom parku „Una“, osnivačka prava, u ime Federacije BiH, vrši Vlada FBiH, a sredstva za finansiranje troškova za rad i funkcionisanje Nacionalnog parka osiguravaju se iz Budžeta FBiH. Odluku o usvajanju Programa utroška sredstava transfera donijela je Vlada FBiH 23. 5. 2025. godine, a Ministarstvo je sa JP Nacionalni park „Una“ 16. 6. 2025. zaključilo Ugovor o prenosu odobrenih sredstava za finansiranje programskih aktivnosti. Planom poslovanja JP Nacionalni park „Una“ za 2025. godinu, koji je Ministarstvo usvojilo 22. 4. 2025, utvrđeni su prihodi u iznosu od 4.470.479 KM, a rashodi u iznosu od 4.469.620 KM. Uvidom u dostavljene kvartalne izvještaje o realizaciji transfera za JP Nacionalni park Una konstatovano je da su sredstva utrošena za predviđene namjene (troškove bruto plaća i naknada plaća) u doznačenom iznosu.

#### **7.1.2.4 Nadzor nad namjenskim utroškom sredstava tekućih transfera realizovanih u prethodnom periodu i evaluacija učinaka/efekata dodijeljenih budžetskih sredstava**

Ministrica je 24. 10. 2024. godine donijela Rješenje o imenovanju Komisije za poslove praćenja, evaluacije i namjenskog utroška dodijeljenih budžetskih sredstava putem transfera „Tekući transferi drugim nivoima vlasti i fondovima-Transfer za razvoj turizma u Federaciji BiH“, „Kapitalni transferi drugim nivoima vlasti i fondovima-Transfer za razvoj turizma u Federaciji BiH“, „Tekući transferi drugim nivoima vlasti i fondovima-Akcioni plan Strategije okoliša“ i Kapitalni transferi drugim nivoima vlasti i fondovima-Akcioni plan Strategije okoliša“ za 2024. godinu, sa izmjenama od 3. 1. 2025. godine. Rješenjem je utvrđen rok za završetak aktivnosti komisije do 31. 12. 2025. godine. Komisija je u kontinuitetu vršila prijem i kontrolu dostavljenih izvještaja. Uplata sredstava tekućih transfera izvršena je najvećim dijelom u periodu septembra i oktobra 2024. godine. Imajući u vidu navedeni period uplate i rok za realizaciju projekata u trajanju od jedne godine od dana doznačavanja sredstava, došlo je do prolongiranja rokova kontrole namjenskog utroška sredstava. Novim Rješenjem o imenovanju komisije za poslove praćenja, evaluacije i namjenskog utroška dodijeljenih budžetskih sredstava putem transfera od 7. 1. 2026. godine utvrđen je rok za završetak aktivnosti nadzora najkasnije do 30. 6. 2026. godine za transfere iz 2024. godine. Rješenjem su utvrđeni sljedeći zadaci Komisije: priprema pregleda svih izvještaja po svakom potpisanom ugovoru na osnovu kojih su dodijeljena budžetska sredstva, bez obzira na njihovu visinu i namjenu; priprema spiska korisnika koji nisu dostavili izvještaj o namjenskom utrošku sredstava u predviđenom roku, uz poduzete aktivnosti u vezi sa dostavom izvještaja; planiranje terenskih posjeta korisnicima sredstava za programe i projekte koje Komisija ocijeni kao neophodne, i izrada konačnog izvještaja o izvršenom nadzoru i utrošku dodijeljenih budžetskih sredstava, koji se dostavlja rukovodiocu organa na usvajanje.

Komisija je sačinila preglede dostavljenih izvještaja, u kojima je navedeno da li su dostavljeni pojedinačni izvještaji korisnika i da li su sredstva utrošena namjenski. Uvidom u dostavljene izvještaje o namjenskom utrošku sredstava, utvrđeno je da je Komisija konstatovala da su sredstva utrošena namjenski, a korisnicima koji nisu na vrijeme dostavili svu dokumentaciju, poslani su opomene i traženi povrat sredstava. Dva subjekta su izvršila povrat sredstava za tekuće transfere iz oblasti turizma iz 2024. godine u iznosu od 83.269 KM.

Uvidom u prezentovanu dokumentaciju utvrđeno je da je najmanje pet subjekata dostavilo prijave na javni poziv, iako prije toga nisu opravdali sredstva iz 2024. godine. Ministarstvo je prijave za ove subjekte ocijenilo kao prihvatljive i odobrilo im iznos od 54.331 KM. Navedeno nije u skladu sa odredbama člana 57. Zakona o budžetima u FBiH, kojim je utvrđeno da korisnici koji ne dostave izvještaj o namjenskom utrošku sredstava, neće imati pravo aplicirati za dodjelu sredstava u narednoj fiskalnoj godini.

Nije prezentovana dokumentacija da je Ministarstvo izvršilo evaluaciju učinaka/efekata dodijeljenih svih budžetskih sredstava putem transfera, niti da su izvještaji o evaluaciji objavljeni na internet stranici



Ministarstva u skladu sa tačkama 89-92. Smjernica o minimalnim standardima dodjele budžetskih sredstava putem transfera i subvencija u FBiH.

Većina javnih poziva za tekuće transfere iz 2025. objavljena je u junu, ugovori potpisani u novembru, a sredstva doznačena u decembru 2025. godine. Ministarstvo nije dalo pojašnjenje za navedeno. Javnim pozivima nije utvrđeno da korisnici koji nisu opravdali sredstva iz prethodnog perioda nemaju pravo aplicirati u 2025. godini. Ugovorima sa korisnicima sredstava utvrđeno je da će rok realizacije biti jedna godina od dana potpisivanja ugovora, odnosno uplate sredstava. Imajući u vidu da su sredstva doznačena na kraju godine, to će imati uticaj na obavljanje nadzora nad njihovim utroškom, kao i na raspodjelu sredstava naredne godine.

**Nije izvršena evaluacija učinaka/efekata dodijeljenih svih budžetskih sredstava putem transfera, niti je izvještaj o evaluaciji objavljen na internet stranici Ministarstva u skladu sa tačkama 89-92. Smjernica o minimalnim standardima dodjele budžetskih sredstava putem transfera i subvencija u FBiH. Osim toga, Ministarstvo nije pravovremeno poduzelo aktivnosti na raspodjeli sredstava tekućih transfera zbog čega su ugovori sa korisnicima zaključeni krajem godine. Sredstva su korisnicima najvećim dijelom doznačena u decembru 2025. godine, dok je dio sredstava u iznosu od najmanje 40.000 KM uplaćen u februaru 2026. godine. Kašnjenje u raspodjeli sredstava može imati uticaj na blagovremenu realizaciju projekata i pravdanje namjenskog utroška sredstava, što dovodi u pitanje mogućnost učešća aplikantata u narednim javnim pozivima.**

### **Preporuke:**

- **utvrditi efekte utroška budžetskih sredstava shodno Smjernicama o minimalnim standardima dodjele budžetskih sredstava putem transfera i subvencija u FBiH;**
- **osigurati blagovremeno provođenje svih faza prilikom dodjele sredstava tekućih transfera u cilju njihove efikasne realizacije u godini u kojoj su odobrena i blagovremenog nadzora nad namjenskim utroškom dodijeljenih sredstava.**

### **7.1.2.5 Nadzor nad namjenskim utroškom sredstava finansijske pomoći dodijeljenih subjektima turističko-ugostiteljskog sektora po Uredbi o interventnim mjerama za podršku ugroženim sektorima privrede FBiH u okolnostima pandemije COVID-19 za 2020. godinu**

Ministarstvo je u 2020. godini dodijelilo sredstava finansijske pomoći za 340 subjekata u iznosu od 30.000.000 KM u skladu sa Uredbom o interventnim mjerama za podršku ugroženim sektorima privrede FBiH u okolnostima pandemije COVID-19<sup>27</sup> (u daljnjem tekstu: Uredba). Revizijom Ministarstva za 2021. godinu, na osnovu podataka iz Porezne uprave FBiH o broju zaposlenih, utvrđeno je da su 42 korisnika sredstava u utvrđenom periodu, 31. 12. 2020. godine u odnosu na 30. 9. 2020. godine, smanjila broj radnika za najmanje 139 i da Komisija za praćenje i evaluaciju utroška sredstava to nije utvrdila kao nenamjenski utrošak, niti je provela postupak povrata sredstava. Također, u okviru ostalih troškova poslovanja pojedini korisnici su iskazali razliku između ukupno isplaćenih plaća i minimalnih bruto plaća, što je komisija priznavala i nije iskazan povrat po ovom osnovu, a navedeno nije u skladu s Uredbom i ne može se potvrditi da je Ministarstvo izvršilo adekvatan nadzor nad utroškom sredstava finansijske pomoći.

U prethodnom periodu je formirana Komisija za kontrolu namjenskog utroška sredstava po Javnom pozivu za podnošenje prijave za dodjelu finansijske pomoći poslovnim subjektima iz turističko-ugostiteljskog sektora u okolnostima pandemije COVID-19, koja je imala zadatak da preispita dokumentaciju kojom je izvršeno pravdanje utroška sredstava, a za nenamjenski utrošena sredstva provede postupak povrata u skladu sa Uredbom i ugovorima zaključenim sa korisnicima, kojima je regulisan način pravdanja dodijeljenih sredstava i poduzme aktivnosti na povratu sredstava koja nisu utrošena u skladu sa utvrđenom namjenom za isplate minimalnih bruto plaća i troškove poslovanja za period od 1. 7. 2020. godine do 31. 12. 2020. godine. S obzirom na to da se radilo o obimnoj dokumentaciji koja je predmet kontrole, mandat komisije je više puta produžavan. Ministrica je 9. 1.

---

<sup>27</sup> Sl. novine FBiH", br. 74/20 i 21/21



2025. godine donijela Rješenje o imenovanju komisije za kontrolu namjenskog utroška sredstava dodijeljenih poslovnim subjektima iz turističko-ugostiteljskog sektora u okolnostima pandemije COVID-19, koja je imala rok za završetak aktivnosti do kraja 2025. godine.

Navedena komisija je 22. 1. 2026. godine sačinila Izvještaj o radu i dostavila ga ministrici. U prethodnom periodu izvršeno je preispitivanje dokumentacije za 246 korisnika u iznosu od 23.692.127 KM, od ukupno 340 kojima su sredstva dodijeljena u iznosu od 30.000.000 KM, što predstavlja 72% pregledane dokumentacije. Navedeno je da je najveći broj korisnika koji je bio predmet kontrole namjenski utrošio sredstva, a u 2025. godini kontrola je izvršena za 96 subjekata u ukupnom iznosu od 3.567.998 KM. Pored toga, navedeno je da je do kraja 2025. godine 118 korisnika izvršilo povrat sredstava u ukupnom iznosu od 2.268.061 KM. Jedan korisnik je izvršio povrat u aprilu 2026. godine u iznosu od 348.128 KM. Komisija nije izvršila ponovni pregled dokumentacije za 94 korisnika na koje se odnosi 6.307.873 KM. Ministrica je u januaru 2026. godine prihvatila Izvještaj Komisije.

U Izvještaju je također navedeno da su, nakon upućenih dopisa za povrat sredstava, pojedini korisnici dostavili informaciju da su bili predmet inspekcijskog nadzora Jedinice za budžetsku inspekciju Federalnog ministarstva finansija. S obzirom na to da Ministarstvo nije raspolagalo informacijama o tome kod kojih subjekata iz turističko-ugostiteljskog sektora je izvršena inspekcijaska kontrola, Komisija je uputila dopis Jedinici za budžetsku inspekciju Federalnog ministarstva finansija s molbom za dostavljanje popisa subjekata koji su bili predmet budžetskog nadzora. Na osnovu zaprimljenih informacija, Komisija je od 11 subjekata koji su bili predmet inspekcijskog nadzora zatražila dostavljanje zapisnika o inspekcijskoj kontroli sa dokazima o izvršenom povratu dijela sredstava. Utvrđeno je da četiri korisnika od kojih je tražen povrat sredstava nisu izvršila povrat, jer je pokrenut upravni spor, dok je za jednog korisnika u predmetu koji je vođen pred drugostepenim organom žalba prihvaćena, te rješenje o povratu poništeno.

**Ministarstvo je u toku 2025. godine provodilo aktivnosti ponovne kontrole dokumentacije koja je služila kao osnov za dodjelu sredstava finansijske pomoći za 340 subjekata u iznosu od 30.000.000 KM u skladu sa Uredbom o interventnim mjerama za podršku ugroženim sektorima privrede FBiH u okolnostima pandemije COVID-19. Imenovana Komisija je sačinila Izvještaj, u kojem je navedeno da su aktivnosti kontrole okončane, te da je ukupno iskontrolisano 246 subjekata, odnosno 72%, na koje se odnosi 23.692.127 KM. Do kraja 2025. godine 118 korisnika je izvršilo povrat sredstava u iznosu od 2.268.061 KM, dok je jedan korisnik izvršio povrat u aprilu 2026. godine u iznosu od 348.128 KM. Imajući u vidu da ponovna kontrola nije izvršena za 94 korisnika kojima je dodijeljeno 6.307.873 KM, konstatovano je da aktivnosti nadzora nisu okončane u potpunosti prije roka zastare.**

#### 7.1.2.6 Kapitalni transferi

U Godišnjem izvještaju o izvršenju budžeta iskazani su kapitalni transferi u iznosu od 3.493.715 KM. Od navedenog iznosa se na kapitalni transfer Akcioni plan Strategije okoliša odnosi 2.000.000 KM, a na kapitalni transfer za razvoj turizma u FBiH 1.493.715 KM. Ministarstvo je sačinilo programe utroška sredstava kapitalnih transfera, koje je odlukama usvojila Vlada FBiH.

**Kapitalni transfer drugim nivoima vlasti i fondovima – Akcioni plan Strategije okoliša** odobren je u iznosu od 2.000.000 KM, koliko je i iskazan. Vlada FBiH je 4. 6. 2025. godine donijela Odluku o usvajanju programa utroška sredstava sa kriterijima raspodjele „Kapitalni transfer drugim nivoima vlasti – Akcioni plan strategije okoliša“, kojom su predviđeni sljedeći programi:<sup>28</sup>

**Program 1. Podrška izgradnje novih i unapređenje rada postojećih regionalnih deponija za upravljanje otpadom u Federaciji BiH (650.000 KM).** Svrha programa je sufinansiranje izgradnje novih i unapređenje rada postojećih regionalnih deponija sa pratećim sadržajima, čime će se unaprijediti usluge prikupljanja, sortiranja, obrade i deponovanja komunalnog otpada. Odlukom o usvajanju programa utroška sredstava utvrđeno je da će se putem ovog programa sufinansirati sljedeći projekti:

<sup>28</sup> V. broj 946/2025 „Sl. novine FBiH“, br. 42/25

- Podrška nabavke radne mašine kamion - kiper sa tri osovine za prevoz pokrivnog materijala za pokrivanje otpada na novoj Regionalnoj sanitarnoj deponiji „Eko-Sep“ Živinice u iznosu od 250.000 KM;
- Podrška nabavke uređaja za prečišćavanje procjednih voda u sklopu postojeće „Regionalne deponije Mošćanica“ u Zenici u iznosu od 400.000 KM.

**Program 2. Podrška sanacije i zatvaranja općinskih odlagališta komunalnog otpada i prilagođavanje regionalnom konceptu upravljanja otpadom (1.350.000 KM).** Svrha programa je sanacija i zatvaranje općinskih odlagališta komunalnog otpada na području Federacije BiH, koja će se vršiti u skladu s odobrenim Planom prilagođavanja upravljanja otpadom i prilagođavanje regionalnom konceptu upravljanja otpadom, nabavka odgovarajuće opreme i izgradnja odgovarajuće infrastrukture za adekvatno upravljanje otpadom, čime će se spriječiti daljnji negativni uticaji deponija na okoliš i ljudsko zdravlje. Odlukom o usvajanju programa utroška sredstava utvrđeno je da će se putem ovog programa sufinansirati su sljedeći projekti:

- Podrška sanacije općinske deponije komunalnog otpada „Radića most“ Velika Kladuša u iznosu od 270.000 KM. U ovom projektu je korisnik i implementator sredstava Općina Velika Kladuša;
- Podrška sanacije i zatvaranja postojeće deponije komunalnog otpada „Višnjik“ Gradačac i izgradnja pratećih sadržaja prilagođenih regionalnom konceptu odlaganja otpada u iznosu od 380.000 KM. Korisnik sredstava i implementator projekta je Grad Gradačac;
- Sufinansiranje izgradnje prečištača procjednih voda na gradskoj deponiji komunalnog otpada „Bukva“ Tešanj u iznosu od 250.000 KM. Korisnik sredstava i implementator projekta je Grad Tešanj;
- Podrška nabavke radne mašine buldožer za rad na odlagalištu otpada „Klepovica“ u Neumu u iznosu od 250.000 KM. Korisnik sredstava i implementator projekta je Općina Neum.
- Podrška izgradnje stanice za pretovar i sortiranje komunalnog otpada u Širokom Brijegu u iznosu od 200.000 KM. Korisnik sredstava i implementator projekta je Grad Široki Brijeg.

Ugovorima sa korisnicima sredstava, koji su potpisani u junu i julu 2025. godine za oba programa, utvrđeno je da će se sredstva korisniku doznačiti sukcesivno, i to 50% nakon potpisivanja ugovora, a drugi dio nakon prihvatanja izvještaja o stepenu realizacije aktivnosti iz odobrenog projekta. Navedeni izvještaj subjekti su bili dužni dostaviti do 15. 12. 2025. godine. Izvršen je uvid u dostavljene izvještaje o stepenu realizacije aktivnosti za subjekte JP „Eko-Sep“ d.o.o. Živinice i „Regionalna deponija“ d.o.o. Mošćanica, na osnovu kojih je utvrđeno da su pokrenuti postupci javnih nabavki u vezi sa aktivnostima utvrđenim projektima. Osim toga, ugovorima je predviđeno da se konačni izvještaj, koji obuhvata narativni i finansijski dio sa pratećom dokumentacijom, dostavi Ministarstvu nakon realizacije projekata u roku od 30 dana, a najkasnije do 31. 12. 2026. godine.

**Uvidom u uzorkovane prijave korisnika sredstava za navedena dva programa utroška sredstava kapitalnih transfera konstatovano je da su sredstva dodijeljena u skladu sa kriterijima utvrđenim Odlukom o usvajanju programa utroška sredstava.**

**Kapitalni transfer za razvoj turizma** odobren je u iznosu od 2.000.000 KM Odlukom Vlade FBiH o usvajanju Programa utroška sredstava od 14. 5. 2025. godine.<sup>29</sup> Raspodjela sredstava predviđena je za realizaciju tri programa, i to:

- Sufinansiranje programa izgradnje infrastrukture za poboljšanje turističke ponude i specifičnosti razvoja turističkih destinacija (1.100.000 KM) (u daljnjem tekstu: Program 1);
- Sufinansiranje podrške projektima u funkciji razvoja održivog turizma, na destinacijama od šireg prirodnog i kulturno-historijskog značaja za Federaciju BiH - radovi na rekonstrukciji, sanaciji i unapređenju objekata i lokaliteta te izrada projektne dokumentacije za navedene aktivnosti, (200.000 KM) (u daljnjem tekstu: Program 2);
- Sufinansiranje podrške projektima za nabavku sredstava za rad u svrhu promocije specifičnih oblika turizma (200.000 KM) (u daljnjem tekstu: Program 3).

<sup>29</sup> Odluka V broj 834/2025 od 14. 5. 2025. godine („Sl. novine FBiH“, br. 37/25)



Raspodjela sredstava za sva tri programa izvršena je na osnovu Javnog poziva od 13. 6. 2025. godine, kojim je propisana neophodna dokumentacija za prijavu i kriteriji sa potkriterijima za bodovanje.

Ukupno je pristiglo 136 prijava. Nakon selekcije i ocjene ponuda, Ministrica je 2. 10. 2025. godine donijela konačnu odluku o izbor korisnika i dodjeli sredstava za 57 korisnika u ukupnom iznosu od 1.500.000 KM. Odluka je objavljena na internet-stranici Ministarstva.

**Programom 1. predviđeno je sufinansiranje programa izgradnje infrastrukture za poboljšanje turističke ponude i specifičnosti razvoja turističkih destinacija.** Kao korisnici sredstava predviđene su jedinice lokalne samouprave, pravna i fizička lica registrovana na teritoriji Federacije BiH sa razrađenim projektima za razvoj održivog turizma, udruženja i fondacije (registrovane na teritoriji općine/grada, kantona, Federacije BiH i BiH). Kao svrha programa navedeni su razvoj održivog turizma kroz poboljšanje standarda, kvalitete i specifičnih oblika turizma te stvaranje dodatne vrijednosti turističke destinacije. Kriteriji za raspodjelu sredstava su: udio vlastitih sredstava u iznosu od najmanje 20% od ukupne vrijednosti projekta; stepen spremnosti projekta za realizaciju u ugovorenom roku (dvije godine); promicanje i zaštita prirodnih datosti turističkih destinacija, te destinacija od kulturnohistorijskog značaja, u funkciji razvoja turističke destinacije; uticaj projekta na brend i specifičnost destinacije; uspješnost projekta u kontekstu zelenih politika, ekoloških standarda i održivog turizma; preporuka resornog kantonalnog ministarstva. Predviđeni minimalni iznos za dodjelu je 80.000 KM, a maksimalni 250.000 KM.

Pristigle su prijave za 82 korisnika, od čega su sredstva dodijeljena za 37 u ukupnom iznosu od 1.100.000 KM. Korisnici kojima su dodijeljeni najveći iznosi sredstava su: „Continental Adventure“ d.o.o. Livno (56.571 KM), Općina Donji Vakuf (53.429 KM), „Megatas“ d.o.o. Maglaj (50.286 KM) i Općina Pale u Federaciji BiH (47.143 KM). Uvidom u odabrani uzorak šest aplikacija ukupne vrijednosti od 222.476 KM utvrđeno je da su sredstva ovog programa odobrena u skladu sa utvrđenim kriterijima.

**Programom 2. predviđeno je sufinansiranje podrške projektima u funkciji razvoja održivog turizma, na destinacijama od šireg prirodnog i kulturno-historijskog značaja za Federaciju BiH - radovi na rekonstrukciji, sanaciji i unapređenju objekata i lokaliteta te izrada projektne dokumentacije za navedene aktivnosti.** Predviđeni korisnici sredstava su jedinice lokalne samouprave, pravna i fizička lica registrovana na teritoriji Federacije BiH sa razrađenim projektima za razvoj održivog turizma, udruženja i fondacije (registrovane na teritoriji općine/grada, kantona, Federacije BiH i BiH). Svrha programa je razvoj održivog turizma i unapređenje objekata na destinacijama od šireg prirodnog i kulturnohistorijskog značaja za Federaciju BiH. Utvrđeni su kriteriji za raspodjelu sredstava: udio vlastitih sredstava u iznosu od najmanje 20% od ukupne vrijednosti projekta; stepen spremnosti projekta; spremnost lokalne zajednice da podrži projekat; kulturnohistorijski značaj lokaliteta; preporuka resornog kantonalnog ministarstva. Predviđeni minimalni iznos za dodjelu je 25.000 KM, a maksimalni 60.000 KM.

Pristigle su prijave 35 korisnika, od čega je odobreno 11 u ukupnom iznosu od 200.000 KM. Korisnici kojima su dodijeljeni najveći iznosi sredstava su: Opština Drvar (21.849 KM), Općina Tešanj (20.168 KM), JU „Zavičajni muzej“ Visoko (20.168 KM), Općina Sanski Most (20.168 KM), Općina Gornji Vakuf-Uskoplje (20.168 KM) i Agencija za ekonomski razvoj „Prvi korak“ Konjic (20.168 KM). Uvidom u odabrani uzorak tri prijave ukupne vrijednosti od 60.504 KM utvrđeno je da su sredstva ovog programa odobrena u skladu sa utvrđenim kriterijima.

**Programom 3. predviđeno je sufinansiranje podrške projektima za nabavku sredstava za rad u svrhu promocije specifičnih oblika turizma.** Korisnici sredstava za koja je predviđen program su pravna i fizička lica registrovana na teritoriji Federacije BiH sa razrađenim projektima za razvoj održivog turizma, udruženja i fondacije (registrovane na teritoriji općine/grada, kantona, Federacije BiH i BiH). Svrha programa je razvoj održivog turizma kroz nabavku opreme za unapređenje specifičnih oblika turizma radi stvaranja dodatne vrijednosti turističke destinacije. Kriteriji za raspodjelu sredstava: udio vlastitih sredstava u iznosu od najmanje 50% od ukupne vrijednosti projekta; uticaj projekta na brend i specifičnost destinacije; uspješnost projekta u kontekstu zelenih politika, ekoloških standarda i održivog turizma; dosadašnje iskustvo i uspješnost aplikanta u provođenju projekata iz oblasti turizma



i ugostiteljstva; preporuka resornog kantonalnog ministarstva. Predviđeni minimalni iznos za dodjelu je 15.000 KM, a maksimalni 40.000 KM.

Pristigle su prijave 19 korisnika, od čega je odobreno devet u ukupnom iznosu od 200.000 KM. Korisnici kojima su dodijeljeni najveći iznosi sredstava su: JP „Parkinzi“ d.o.o. Gradačac (31.340 KM), „Milo Selo“ d.o.o. Lukavac, PJ „Kuća sira“ (28.492 KM), TU „Neretva Rafboys“ Konjic (28.492 KM) i „Art servis“ d.o.o. Sarajevo (21.751 KM). Uvidom u odabrani uzorak tri aplikacije ukupne vrijednosti od 60.336 KM utvrđeno je da su sredstva ovog programa odobrena u skladu sa utvrđenim kriterijima.

**Ministarstvo je na poziciji Kapitalnog transfera drugim nivoima vlasti – Transfer za razvoj turizma evidentiralo iznos od 50.080 KM koji se odnosi na transfere neprofitnim organizacijama. Imajući u vidu navedeno, ne možemo potvrditi da su rashodi planirani i evidentirani u skladu sa Pravilnikom o knjigovodstvu budžeta u FBiH, što je detaljnije opisano u tački 6.1 Izvještaja, u kojoj je data preporuka.**

### **7.1.2.7 Nadzor nad namjenskim utroškom sredstava kapitalnih transfera realizovanih u prethodnom periodu i evaluacija učinaka/efekata dodijeljenih budžetskih sredstava**

Rješenjem o imenovanju Komisije za poslove praćenja, evaluacije i namjenskog utroška dodijeljenih budžetskih sredstava putem transfera navedenim u tački 7.1.2.4 Izvještaja, utvrđene su obaveze za nadzor nad namjenskim utroškom sredstava kapitalnih transfera. Komisija je imala identične zadatke kao i za tekuće transfere.

Prema prezentovanim izvještajima Komisije, sačinjeni su pregledi dostavljenih izvještaja, u kojima je navedeno da li su dostavljeni pojedinačni izvještaji korisnika i da li su sredstva utrošena namjenski. Ministarstvo je vršilo provjere namjenskog utroška sredstava za subjekte koji su aplicirali po programima iz 2025. godine, a kojima su sredstva dodijeljena u 2024. godini. S obzirom na to da se radi o kapitalnim transferima, čija realizacija je duža od jedne godine, vršena je provjera stepena realizacije projekta prije dodjele sredstava u 2025. godini. Uvidom u dostavljene izvještaje o namjenskom utrošku sredstava, Komisija je utvrdila da su sredstva utrošena namjenski. Također, provedenom revizijom konstatovano je da su sredstva utrošena namjenski.

Uvidom u prezentovanu dokumentaciju koja se odnosi na pravdanje sredstava, utvrđeno je da nije bilo aplikata kojima su sredstva dodijeljena u 2025. godini, bez pravdanja njihovog utroška iz prethodnog perioda u cijelosti ili prvog dijela za subjekte kod kojih je period trajanja projekta duži od jedne godine. Nije prezentovana dokumentacija kojom bi se potvrdilo da je Ministarstvo izvršilo evaluaciju učinaka/efekata dodijeljenih svih budžetskih sredstava putem kapitalnih transfera, niti da su izvještaji o evaluaciji objavljeni na internet stranici Ministarstva u skladu sa tačkama 89-92. Smjernica o minimalnim standardima dodjele budžetskih sredstava putem transfera i subvencija u FBiH. Za navedenu neusklađenost data je preporuka u tački 7.1.2.4 Izvještaja.

## **7.2 BILANS STANJA**

### **7.2.1 Gotovina, kratkoročna potraživanja, razgraničenja i zalihe**

Gotovina, kratkoročna potraživanja, razgraničenja i zalihe Ministarstva na 31. 12. 2025. godine iskazani su u iznosu od 2.076.385 KM, od čega se najveći iznos odnosi na finansijske i obračunske odnose sa drugim povezanim jedinicama (2.074.711 KM), kratkoročna razgraničenja (1.208 KM) i novčana sredstva i plemenite metale (466 KM).



## 7.2.2 Stalna sredstva

### 7.2.2.1 Stalna sredstva

U finansijskim izvještajima na 31. 12. 2025. godine iskazana su stalna sredstva sadašnje vrijednosti od 696.180 KM (nabavne vrijednosti u iznosu od 4.490.011 KM, ispravke vrijednosti u 3.793.831 KM), koliko su iskazani i izvori sredstava.

U 2025. godini vrijednost stalnih sredstava je povećana za 314.006 KM po osnovu izdataka za nabavku stalnih sredstava u obliku prava (300.143 KM) i kompjuterske opreme (13.863 KM).

Nabavka stalnih sredstava u obliku prava najvećim dijelom odnosi se na nabavku usluga inventarizacije sisara - velikih zvjeri u FBiH (178.830 KM) i inventarizacije vaskularne flore u FBiH (140.000 KM), na osnovu ugovora koji su zaključeni nakon provedenih otvorenih postupaka javnih nabavki.

Odlukom o rashodovanju stalnih sredstava<sup>30</sup> usvojen je prijedlog Komisije za rashodovanje i stavljanje van upotrebe stalnih sredstava u iznosu od 24.245 KM, i to: namještaja (2.145 KM) i kompjuterske opreme (22.100 KM).

### 7.2.2.2 Dugoročni plasmani

Dugoročni plasmani su u finansijskim izvještajima iskazani u iznosu od 968.210 KM i odnose se na deponovana sredstva u Razvojnoj banci FBiH, na osnovu skladu Protokola koji je Ministarstvo potpisalo u decembru 2023. godine i Ugovora o formiranju namjenskog depozita sa Razvojnou bankom FBiH. Depozit će služiti za subvencioniranje kamate i jednokratne naknade za obradu kreditnog zahtjeva za kredite koje odobri Banka iz kreditne linije za dugoročno kreditiranje turističkog sektora, za finansiranje projekata iz oblasti turističko-ugostiteljske djelatnosti.

U skladu sa potpisanim Protokolom i Ugovorom Banka je dužna, prije potpisivanja ugovora sa aplikantima, odluku o dodjeli sredstava dostaviti Ministarstvu na naglasnost.

Prema prezentovanim informacijama i dokumentaciji, u toku 2025. godine odobreni su krediti za devet korisnika za koje sufinansiranje iz navedenog depozita iznosi 362.155 KM. Pored toga, izvršene su isplate za sufinansiranje kamata u iznosu od 23.022 KM, te su izvršena dva povrata u ukupnom iznosu od 86.909 KM.

Uvidom u prezentovanu dokumentaciju koja se odnosi na subvencioniranje kamata i jednokratne naknade za obradu kreditnog zahtjeva za pet subjekata u iznosu od 217.860 KM, utvrđeno je da je Ministarstvo davalo saglasnosti u skladu sa potpisanim Protokolom i Ugovorom sa Bankom.

## 7.2.3 Kratkoročne obaveze i razgraničenja

**Kratkoročne obaveze i razgraničenja** iskazana su u iznosu od 2.076.385 KM.

**Kratkoročne tekuće obaveze** se najvećim dijelom odnose na obaveze po osnovu transfera (1.846.756 KM).

**Obaveze prema zaposlenima** odnose se na obaveze za plaće i naknade troškova zaposlenih za decembar 2025., koje su isplaćene u januaru 2026. godine.

## 7.2.4 Popis imovine i obaveza

U skladu sa članom 21. Zakona o računovodstvu i reviziji u FBiH, pravno lice je dužno najmanje jednom godišnje, sa stanjem na dan kad se završava poslovna godina, izvršiti popis imovine i obaveza.

---

<sup>30</sup> Broj: 08-11-869/25 od 30. 1. 2026. godine



Pravilnikom o popisu stalnih sredstava iz 2016. godine (sa izmjenom i dopunom iz 2025. godine) utvrđene su procedure redovnog popisa sa stanjem na 31. decembar, imenovanje popisnih komisija, rokovi, sačinjavanje izvještaja popisnih komisija i drugo.

Ministrica je 27. 11. 2025. godine donijela Odluku o popisu i obrazovanju komisija za popis. Odlukom je definisano da se formiraju: centralna popisna komisija, komisija za popis stalnih sredstava i sitnog inventara i komisija za popis obaveza, potraživanja i novčanih sredstava.

Komisije su po završetku aktivnosti dostavile izvještaje Centralnoj popisnoj komisiji, koja je sačinila Elaborat o popisu stalnih sredstava, potraživanja, obaveza i novčanih sredstava. U Elaboratu o konačnom popisu konstatovano je da nisu utvrđeni viškovi ili manjkovi prilikom popisa. Odluka o usvajanju konačnog izvještaja o popisu je donesena 11. 2. 2025. godine.

**Uvidom u prezentovanu dokumentaciju utvrđeno je da je godišnji popis obavljen u skladu s odredbama Zakona o računovodstvu i reviziji u FBiH.**

## 8. JAVNE NABAVKE

Pravilnikom o javnim nabavkama Ministarstva iz marta 2024. godine propisan je i uređen način provođenja javnih nabavki, u skladu sa članom 13. zakona o javnim nabavkama (u daljnjem tekstu: Zakon).

Ministarstvo je donijelo Plan javnih nabavki 26. 2. 2025. godine, ukupne procijenjene vrijednosti od 834.795 KM,<sup>31</sup> a u toku godine je donesena jedna izmjena i dopuna. Ukupna vrijednost planiranih javnih nabavki Ministarstva sa izmjenama i dopunama iznosi 857.025 KM.

Članom 17. Zakona utvrđeno je da se plan nabavki donosi za jednu godinu i da sadrži postupke koji se planiraju provesti u toj godini. Uvidom u Plan nabavki Ministarstva za 2025. godinu u toku prethodne revizije konstatovano je da su, pored postupaka koji će se provoditi, navedene i nabavke koje će se realizovati u 2025. godini po ugovorima koji su zaključeni nakon već provedenih i okončanih postupaka nabavki u ranijem periodu. Ministarstvu je u Pismu menadžmentu data preporuka da se izvrše korekcije Plana nabavki, tako da sadrže samo one postupke koje Ministarstvo planira provesti u toku godine. Uvidom u dokumentaciju utvrđeno je da je Ministarstvo preporuku realizovalo prilikom sačinjavanja Plana nabavki za 2026. godinu.

Pregled planiranih i provedenih postupaka, kao i revidirani uzorak, dat je u tabeli:

Vrsta postupka	Planirane nabavke		Provedene nabavke			Revidirani uzorak	
	Broj postupaka	Iznos u KM	Broj postupaka <sup>32</sup>	Iznos u KM	% u odnosu na plan	Broj postupaka	Iznos u KM
Direktni sporazum	25	122.265	28 <sup>33</sup>	66.376	54%	7	42.323
Konkurentski postupak	11	235.170	3	39.777	17%	2	33.789
Otvoreni postupak	4	456.300	3	349.250	77%	2	318.830
Aneks II	4	43.290	2	8.436	19%	0	0
<b>Ukupno</b>	<b>44</b>	<b>857.025</b>	<b>36</b>	<b>463.839</b>	<b>54%</b>	<b>11</b>	<b>394.942</b>

Odstupanja planiranih i provedenih nabavki u prethodnoj tabeli, pored razloga navedenih u Pismu menadžmentu, odnose se na poništeni postupak nabavke računarske opreme (11.700 KM), nepokretanje postupka nabavke tonera (11.700 KM), kao i to da je realizacija postupka nabavke „Inventarizacija ptica“

<sup>31</sup> Svi iznosi su sa uključenim PDV-om.

<sup>32</sup> Razlika u broju planiranih i realizovanih postupaka se odnosi na servisiranje i registraciju vozila, gdje je Planom javnih nabavki planirana po jedna nabavka u ukupnom iznosu, dok je realizovano više postupaka manje vrijednosti.

<sup>33</sup> Razlika u broju planiranih i realizovanih direktnih sporazuma se odnosi na servisiranje, tehnički pregled i registraciju vozila, gdje je Planom javnih nabavki planirana po jedna nabavka u ukupnom iznosu, dok je realizovano više postupaka manje vrijednosti.



(52.650 KM) naknadno planirana putem Javnog poziva za dodjelu sredstava za 2025. godinu putem tekućeg transfera za okoliš.

Revizijom je izvršeno ispitivanje usklađenosti 11 provedenih postupaka ukupne vrijednosti 394.942 KM sa PDV-om, sa fokusom na provođenje procedure javne nabavke, pregled i ocjene ponuda i realizaciju zaključenog ugovora.

**Na osnovu izvršene revizije, konstatovano je da je Ministarstvo kod provedenih javnih nabavki postupalo u skladu sa Zakonom o javnim nabavkama i Pravilnikom o javnim nabavkama.**

## 9. OSTALI NALAZI

### 9.1 Projekti finansirani kreditnim i grant sredstvima

Programom javnih investicija FBiH 2025-2027. godine (u daljnjem tekstu: Program) utvrđeni su projekti u nadležnosti Ministarstva. Ministarstvo je zaduženo za realizaciju „Projekata unapređenja kvaliteta zraka“. Ovaj Projekat finansira se iz kreditnih sredstava Međunarodne banke za obnovu i razvoj. Pored Ministarstva u realizaciji učestvuju i općine iz Kantona Sarajevo, Tuzlanskog, Zeničko-dobojskog i Hercegovačko-neretvanskog kantona. Ukupna vrijednost projekta iznosi 90.163.763 KM, a na aktivnosti Ministarstva se odnosi 19.753.883 KM. Projekat obuhvata sljedeće četiri komponente: jačanje monitoringa i upravljanja kvalitetom zraka; razvoj održivog grijanja i energetske efikasnosti u individualnim objektima stanovanja; podrška tranziciji na nisko-emisioni prevoz i podrška implementaciji projekta. Ministarstvo je imenovalo jedinicu za upravljanje projektom, koju čine državni službenici i vanjski saradnici. U cilju realizacije projekta otvoren je račun izvan Jedinstvenog računa Trezora.

Jedna od aktivnosti koje se realizuju je i podrška Federalnom hidrometeorološkom zavodu uključujući IT podršku, nabavku opreme i izgradnju kapaciteta. Nabavke se provode u skladu sa Propisima o nabavci Svjetske banke za finansiranje investicionih projekata za potrebe Federalnog hidrometeorološkog zavoda.

U skladu s članom 39. Zakona o izvršavanju Budžeta FBiH za 2025. godinu i Uredbom o načinu i kriterijima za pripremu, izradu i praćenje realizacije programa javnih investicija<sup>34</sup> Ministarstvo vrši redovno kvartalno izvještavanje Federalnog ministarstva finansija o utrošku sredstava putem propisanog obrasca „Informacija o projektu“ (u daljnjem tekstu: IP obrazac). Pored IP obrazaca, Ministarstvo je Vladi FBiH dostavljalo kvartalne izvještaje, u kojima su opisane aktivnosti u realizaciji projekta.

Prema dostavljenim IP obrascima, od planiranog iznosa 5.000.000 KM u 2025. godini realizovano je ukupno 599.578 KM. Međutim, u Programu javnih investicija, koji je dio budžeta za 2025. godinu, planirani iznos za projekte koje Ministarstvo provodi iznosi 3.653.000 KM.

Prema prezentovanim informacijama, planirana je realizacija aktivnosti po projektu u 2025. godini u vrijednosti pet miliona dolara, ali je, zbog neuključenosti kantona, taj iznos u IP obrascima smanjen na 5.000.000 KM.

**Iako je Ministarstvo redovno dostavljalo IP obrasce Federalnom ministarstvu finansija za projekte iz svoje nadležnosti, evidentna su značajna odstupanja u planiranim iznosima u navedenim obrascima u odnosu na iznose iz Programa javnih investicija 2025-2027. godine. Zbog navedenog, IP obrasci ne daju tačan podatak o sredstvima za 2025. godinu koja Ministarstvo planira utrošiti.**

#### **Preporuka:**

- **usaglasiti vrijednosti kapitalnih projekata čije je finansiranje definisano Programom javnih investicija Federacije BiH 2025-2027. godina sa iskazanim vrijednostima projekata u IP obrascima.**

<sup>34</sup> „Sl. novine FBiH“, br.106/14, 27/19, 104/22



## 10. KOMENTARI NA NACRT IZVJEŠTAJA

Na dostavljeni Nacrt izvještaja o izvršenoj finansijskoj reviziji za 2025. godinu Ministarstvo je 6. 5. 2026. godine dostavilo komentar, uz dodatnu dokumentaciju.

Obrazloženja su data na nalaze i preporuke u vezi sa: izvještajem o realizaciji plana za razvoj finansijskog upravljanja i kontrole, kontrolom namjenskog utroška sredstava po Javnom pozivu za podnošenje prijave za dodjelu finansijske pomoći poslovnim subjektima iz turističko-ugostiteljskog sektora u okolnostima pandemije COVID-19 i planiranjem i evidentiranjem tekućih i kapitalnih transfera. Dat je i komentar na sve preporuke u Nacrtu izvještaja.

Uvaženo je i u konačan Izvještaj inkorporirano obrazloženje vezano za sačinjavanje Izvještaja o realizaciji plana za razvoj finansijskog upravljanja i kontrole za 2025. godinu.

Djelimično je uvažen komentar koji se odnosi na kontrolu namjenskog utroška sredstava po Javnom pozivu za dodjelu finansijske pomoći u okolnostima pandemije COVID-19, te su dodatne informacije o poduzetim aktivnostima Komisije i stepenu izvršenih kontrola inkorporirane u Izvještaj i tekst isticanja pitanja.

Nije prihvaćen komentar u vezi sa nalazom i preporukom koji se odnose na planiranje i evidentiranje tekućih i kapitalnih transfera, u kojem je navedeno je da su sredstva tekućih i kapitalnih transfera planirana i potrošena unutar iste kategorije budžeta, zbog čega nije došlo do promjene njihove namjene, te da su sredstva u cijelosti utrošena u skladu s odobrenim budžetom. Također, navedeno je da, s obzirom na važeći okvir, planiranje i evidentiranje, u ovom trenutku ne postoje pretpostavke za implementaciju preporuke u predloženom obliku.

Međutim, navedeno obrazloženje nije prihvaćeno zbog toga što Ministarstvo tekuće i kapitalne transfere nije planiralo i iskazalo na propisanim grupama konta prema njihovim korisnicima, u skladu sa Računovodstvenim politikama za federalne budžetske korisnike i Trezor i Kontnim planom koji je dio Pravilnika o knjigovodstvu budžeta u FBiH, što je imalo za posljedicu da izvještaji ne daju tačne podatke o transferima, prema njihovim korisnicima.

Osim toga, Ministarstvo je navelo da će postupiti po preostalim preporukama koje se odnose na: uspostavu finansijskog upravljanja i kontrole, podnošenje izvještaja o realizaciji mjera iz Plana integriteta, iskazivanje planiranih prihoda u Godišnjem izvještaju o izvršenju budžeta, utvrđivanje efekata utroška budžetskih sredstava, blagovremeno provođenje svih faza prilikom dodjele sredstava tekućih transfera, te usaglašavanje vrijednosti kapitalnih projekata u Programu javnih investicija sa vrijednostima u IP obrascima.

Reviziju Federalnog ministarstva okoliša i turizma obavio je revizorski tim u sastavu: Senad Hasičić – vođa tima, i Dragan Bujak – član tima.

Vođa tima

Senad Hasičić, s. r.

Rukovoditeljica Sektora  
za razvoj, metodologiju i upravljanje  
kvalitetom

Mia Buljubašić, s. r.

Koordinatorica rada u  
Sektoru za finansijsku reviziju  
institucija FBiH

Sabina Selesković, s. r.

## **V. PRILOZI**

- 1. GODIŠNJI FINANSIJSKI IZVJEŠTAJI**
- 2. IZJAVA RUKOVODSTVA**

BOSNA I HERCEGOVINA  
FEDERACIJA BOSNE I HERCEGOVINE

Obrazac GIB

Identifikacioni broj: 4 2 0 1 0 9 9 4 7 0 0 0 3

Šifra po kvalifikacionoj djelatnosti: 8 4 1 1

Organizacioni broj: 6 1 0 1

Operativni broj: \_\_\_\_\_

Funkcionalni kod: 0 5 6 0

Fond: \_\_\_\_\_

FEDERALNO MINISTARSTVO FINANSIJA

Nadležno ministarstvo

FEDERALNO MINISTARSTVO OKOLIŠA I TURIZMA

Potrošačka jedinica-glava

SARAJEVO

Sjedište potrošačke jedinice

Pojedinačni obrazac

Konsolidovani obrazac

## GODIŠNJI IZVJEŠTAJ O IZVRŠENJU BUDŽETA

Period izvještavanja od 01.01. do 31. 12. 2025. godine

- u KM -

Redni broj	Broj Konta	Pozicija	Oznaka za AOP	Planirano	Ostvareno		Odstupanje (4 - 3)	Procenat (4/3) x 100
					u tekućoj godini	u prethodnoj godini		
	1	2		3	4	5	6	7
1		<b>PRIHODI (2 + 17 + 35)</b>	200		126.895,94	96.807,29	126.895,94	#DIV/0!
2	710000	<b>PRIHODI OD POREZA (3 + 7 + 9 + 11 + 13 + 14 + 15 + 16)</b>	201					#DIV/0!
3	711000	<b>Porezi na dobit pojedinaca i preduzeća (od 4 do 6)</b>	202					#DIV/0!
4	711100	Porezi na dobit pojedinaca (zaostale uplate poreza)	203					#DIV/0!
5	711200	Porezi na dobit preduzeća	204					#DIV/0!
6	711900	Porez na dobit banaka i drugih finansijskih organizacija, društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća	205					#DIV/0!
7	712000	<b>Doprinosi za socijalnu zaštitu (7 = 8)</b>	206					#DIV/0!
8	712100	Doprinosi za socijalnu zaštitu	207					#DIV/0!
9	713000	<b>Porezi na plaću i radnu snagu (9 = 10)</b>	208					#DIV/0!
10	713100	Porezi na plaću (zaostale uplate poreza)	209					#DIV/0!
11	714000	<b>Porez na imovinu (11 = 12)</b>	210					#DIV/0!
12	714100	Porez na imovinu	211					#DIV/0!
13	715000	<b>Domaći porezi na dobra i usluge</b>	212					#DIV/0!
14	716000	<b>Porezi na dohodak</b>	213					#DIV/0!
15	717000	<b>Prihodi od indirektnih poreza</b>	214					#DIV/0!
16	719000	<b>Ostali porezi</b>	215					#DIV/0!

17	<b>720000</b>	<b>NEPOREZNI PRIHODI (18 + 26 + 34 + 35)</b>	216		<b>126.895,94</b>	<b>96.807,29</b>	<b>126.895,94</b>	<b>#DIV/0!</b>	
18	<b>721000</b>	<b>Prihodi od poduzetničkih aktivnosti i imovine i prihodi od pozitivnih kursnih razlika (od 19 do 25)</b>	217		<b>0,38</b>	<b>0,49</b>	<b>0,38</b>	<b>#DIV/0!</b>	
19	721100	Prihodi od nefinansijskih javnih preduzeća i finansijskih javnih institucija	218		0,38	0,49	0,38	#DIV/0!	
20	721200	Ostali prihodi od imovine	219					#DIV/0!	
21	721300	Kamate i dividende primljene od pozajmica i učešća u kapitalu	220					#DIV/0!	
22	721400	Naknade primljene od pozajmica i učešća u kapitalu	221					#DIV/0!	
23	721500	Prihodi od pozitivnih kursnih razlika	222					#DIV/0!	
24	721600	Prihodi od privatizacije	223					#DIV/0!	
25	721700	Prihodi po osnovu premije i provizije za izdatu garanciju	224					#DIV/0!	
26	<b>722000</b>	<b>Naknade, takse i prihodi od pružanja javnih usluga (od 27 do 33)</b>	225		<b>126.895,56</b>	<b>96.806,80</b>	<b>126.895,56</b>	<b>#DIV/0!</b>	
27	722100	Administrativne takse	226				0,00	#DIV/0!	
28	722200	Sudske takse	227				0,00	#DIV/0!	
29	722300	Komunalne naknade i takse	228				0,00	#DIV/0!	
30	722400	Ostale budžetske naknade i takse	229				0,00	#DIV/0!	
31	722500	Naknade i takse po federalnim zakonima i drugim propisima	230		79.850,00	52.450,00	79.850,00	#DIV/0!	
32	722600	Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	231		47.045,68	44.357,04	47.045,68	#DIV/0!	
33	722700	Neplanirane uplate-prihodi	232		-0,12	-0,24	-0,12	#DIV/0!	
34	<b>723000</b>	<b>Novčane kazne</b>	233				0,00	#DIV/0!	
35	<b>777000</b>	<b>Drugi tekući prihodi</b>	234					#DIV/0!	
36		<b>PRIMLJENI TRANSFERI I DONACIJE (od 37 do 42)</b>	235					#DIV/0!	
37	731100	Primljeni tekući transferi od inostranih vlada i međunarodnih organizacija	236					#DIV/0!	
38	732100	Primljeni tekući transferi od ostalih nivoa vlasti	237					#DIV/0!	
39	741100	Primljeni kapitalni transferi od inostranih vlada	238					#DIV/0!	
40	742100	Kapitalni transferi od ostalih nivoa vlasti i fondova	239					#DIV/0!	
41	742200	Kapitalni transferi iz nevladinih izvora	240					#DIV/0!	
42	733100	Donacije	241					#DIV/0!	
43		<b>RASHODI (44 + 47 + 48 + 58 + 67 + 75 + 80)</b>	242		<b>11.340.428,00</b>	<b>10.825.001,14</b>	<b>10.800.057,46</b>	<b>-515.426,86</b>	<b>95,45</b>
44	<b>611000</b>	<b>Plaće i naknade troškova zaposlenih (45 + 46)</b>	243		<b>2.370.907,00</b>	<b>2.156.485,19</b>	<b>1.879.095,51</b>	<b>-214.421,81</b>	<b>90,96</b>
45	611100	Bruto plaće i naknade plaća	244		2.014.492,00	1.846.110,37	1.636.332,79	-168.381,63	91,64



46	611200	Naknade troškova zaposlenih	245	356.415,00	310.374,82	242.762,72	-46.040,18	<b>87,08</b>
47	<b>612000</b>	<b>Doprinosi poslodavca i ostali doprinosi</b>	246	<b>211.521,00</b>	<b>143.057,71</b>	<b>171.815,10</b>	<b>-68.463,29</b>	<b>67,63</b>
48	<b>613000</b>	<b>Izdaci za materijal, sitni inventar i usluge (od 49 do 57)</b>	247	<b>508.000,00</b>	<b>373.792,01</b>	<b>376.213,34</b>	<b>-134.207,99</b>	<b>73,58</b>
49	613100	Putni troškovi	248	35.000,00	33.054,97	34.785,01	-1.945,03	<b>94,44</b>
50	613200	Izdaci za energiju	249	0,00	0,00	0,00	0,00	<b>#DIV/0!</b>
51	613300	Izdaci za komunikaciju i komunalne usluge	250	58.000,00	55.505,32	50.694,09	-2.494,68	<b>95,70</b>
52	613400	Nabavka materijala i sitnog inventara	251	45.000,00	23.478,23	3.870,71	-21.521,77	<b>52,17</b>
53	613500	Izdaci za usluge prevoza i goriva	252	28.000,00	12.401,73	14.154,52	-15.598,27	<b>44,29</b>
54	613600	Unajmljivanje imovine, opreme i nematerijalne imovine	253	0,00	0,00	0,00	0,00	<b>#DIV/0!</b>
55	613700	Izdaci za tekuće održavanje	254	35.000,00	25.989,39	17.074,13	-9.010,61	<b>74,26</b>
56	613800	Izdaci osiguranja, bankarskih usluga i usluga platnog prometa	255	17.000,00	9.989,28	11.026,42	-7.010,72	<b>58,76</b>
57	613900	Ugovorene i druge posebne usluge	256	290.000,00	213.373,09	244.608,46	-76.626,91	<b>73,58</b>
58	<b>614000</b>	<b>Tekući transferi i drugi tekući rashodi (od 59 do 66)</b>	257	<b>4.750.000,00</b>	<b>4.657.951,73</b>	<b>4.456.202,51</b>	<b>-92.048,27</b>	<b>98,06</b>
59	614100	Tekući transferi drugim nivoima vlasti	258	4.750.000,00	4.657.951,73	4.456.202,51	-92.048,27	<b>98,06</b>
60	614200	Tekući transferi pojedincima	259					<b>#DIV/0!</b>
61	614300	Tekući transferi neprofitnim organizacijama	260					<b>#DIV/0!</b>
62	614400	Subvencije javnim preduzećima	261					<b>#DIV/0!</b>
63	614500	Subvencije privatnim preduzećima i poduzetnicima	262					<b>#DIV/0!</b>
64	614600	Subvencije finansijskim institucijama	263					<b>#DIV/0!</b>
65	614700	Tekući transferi u inostranstvo	264					<b>#DIV/0!</b>
66	614800	Drugi tekući rashodi	265					<b>#DIV/0!</b>
67	<b>615000</b>	<b>Kapitalni transferi (od 68 do 74)</b>	266	<b>3.500.000,00</b>	<b>3.493.714,50</b>	<b>3.916.731,00</b>	<b>-6.285,50</b>	<b>99,82</b>
68	615100	Kapitalni transferi drugim nivoima vlasti	267	3.500.000,00	3.493.714,50	3.916.731,00	-6.285,50	<b>99,82</b>
69	615200	Kapitalni transferi pojedincima	268					<b>#DIV/0!</b>
70	615300	Kapitalni transferi neprofitnim organizacijama	269					<b>#DIV/0!</b>
71	615400	Kapitalni transferi javnim preduzećima	270					<b>#DIV/0!</b>
72	615500	Kapitalni transferi privatnim preduzećima i poduzetnicima	271					<b>#DIV/0!</b>
73	615600	Kapitalni transferi finansijskim institucijama	272					<b>#DIV/0!</b>
74	615700	Kapitalni transferi u inostranstvo	273					<b>#DIV/0!</b>
75	<b>616000</b>	<b>Izdaci za kamate (od 76 do 79)</b>	274					<b>#DIV/0!</b>
76	616100	Kamate na pozajmice primljene kroz Državu	275					<b>#DIV/0!</b>
77	616200	Izdaci za inostrane kamate	276					<b>#DIV/0!</b>
78	616300	Kamate na domaće pozajmljivanje	277					<b>#DIV/0!</b>
79	616500	Izdaci za kamate vezane za dug po izdatim garancijama	278					<b>#DIV/0!</b>

80	600000	Tekuća budžetska rezerva	279						#DIV/0!
81		<b>TEKUĆI SUFICIT (TEKUĆI DEFICIT) (1 - 41)</b>	280						#DIV/0!
82		<b>TRANSAKCIJE U STALNIM SREDSTVIMA</b>	281						#DIV/0!
83		<b>PRIMICI OD PRODAJE STALNIH SREDSTAVA (84 + 85 + 86)</b>	282						#DIV/0!
84	811100 (osim 811122 i 811123)	Primici od prodaje stalnih sredstava	283						#DIV/0!
85	811200	Primici od prodaje federalnih robnih rezervi	284						#DIV/0!
86	811900	Ostali kapitalni primici	285						#DIV/0!
87	821000	<b>IZDACI ZA NABAVKU STALNIH SREDSTAVA (od 88 do 93)</b>	286	<b>370.000,00</b>	<b>314.005,87</b>	<b>73.193,74</b>	<b>-55.994,13</b>	<b>84,87</b>	
88	821100	Nabavka zemljišta, šuma i višegodišnjih zasada	287						#DIV/0!
89	821200	Nabavka građevina	288						#DIV/0!
90	821300	Nabavka opreme	289	20.000,00	13.863,33	41.693,74	-6.136,67	<b>69,32</b>	
91	821400	Nabavka ostalih stalnih sredstava	290						#DIV/0!
92	821500	Nabavka stalnih sredstava u obliku prava	291	350.000,00	300.142,54	31.500,00	-49.857,46	<b>85,76</b>	
93	821600	Rekonstrukcija i investiciono održavanje	292						#DIV/0!
94		<b>NETO NABAVKA STALNIH SREDSTAVA (87 - 83)</b>	293	<b>370.000,00</b>	<b>314.005,87</b>	<b>73.193,74</b>	<b>-55.994,13</b>	<b>84,87</b>	
95		<b>NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (81 - 94)</b>	294						#DIV/0!
96		<b>TRANSAKCIJE U FINANSIJSKOJ IMOVINI</b>	295						#DIV/0!
97		<b>PRIMICI OD FINANSIJSKE IMOVINE (od 98 do 104)</b>	296						#DIV/0!
98	813100	Primljene otplate od pozajmljivanja drugim nivoima vlasti	297						#DIV/0!
99	813200	Primljene otplate od pozajmljivanja pojedincima i neprofitnim organizacijama	298						#DIV/0!
100	813300	Primljene otplate od pozajmljivanja javnim preduzećima	299						#DIV/0!
101	813400	Primitak sredstava po osnovu učešća u dionicama javnih preduzeća	300						#DIV/0!
102	813500	Primitak sredstava po osnovu učešća u dionicama privatnih preduzeća i u zajedničkim ulaganjima	301						#DIV/0!
103	813600	Primljene otplate od ostalih vidova domaćeg pozajmljivanja	302						#DIV/0!
104	813700	Primljene otplate od pozajmljivanja u inostranstvo	303						#DIV/0!
105	822000	<b>IZDACI ZA FINANSIJSKU IMOVINU (od 106 do 112)</b>	304						#DIV/0!

106	822100	Pozajmljivanje drugim nivoima vlasti	305				#DIV/0!
107	822200	Pozajmljivanje pojedincima, neprofitnim organizacijama i privatnim preduzećima	306				#DIV/0!
108	822300	Pozajmljivanje javnim preduzećima	307				#DIV/0!
109	822400	Izdaci za kupovinu dionica javnih preduzeća	308				#DIV/0!
110	822500	Izdaci za kupovinu dionica privatnih preduzeća i učešće u zajedničkim ulaganjima	309				#DIV/0!
111	822600	Ostala domaća pozajmljivanja	310				#DIV/0!
112	822700	Pozajmljivanje u inostranstvo	311				#DIV/0!
113		<b>NETO POVEĆANJE (SMANJENJE) FINANSIJSKE IMOVINE (97 - 105)</b>	312				#DIV/0!
114		<b>TRANSAKCIJE U FINANSIJSKIM OBAVEZAMA</b>	313				#DIV/0!
115		<b>PRIMICI OD ZADUŽIVANJA (116 + 120)</b>	314				#DIV/0!
116	815000	Primici od dugoročnog zaduživanja (117 + 118 + 119)	315				#DIV/0!
117	815100	Zajmovi primljeni kroz Državu	316				#DIV/0!
118	815200	Primici od inostranog zaduživanja	317				#DIV/0!
119	815300	Primici od domaćeg zaduživanja	318				#DIV/0!
120	814000	Primici od kratkoročnog zaduživanja (121 + 122 + 123)	319				#DIV/0!
121	814100	Zajmovi primljeni kroz Državu	320				#DIV/0!
122	814200	Primici od inostranog zaduživanja	321				#DIV/0!
123	814300	Primici od domaćeg zaduživanja	322				#DIV/0!
124	823000	<b>IZDACI ZA OTPLATE DUGOVA (od 125 do 130)</b>	323				#DIV/0!
125	823100	Otplate dugova primljenih kroz Državu	324				#DIV/0!
126	823200	Vanjske otplate	325				#DIV/0!
127	823300	Otplata domaćeg zaduživanja	326				#DIV/0!
128	823400	Otplata unutrašnjeg duga	327				#DIV/0!
129	823500	Otplata duga po izdatim garancijama	328				#DIV/0!
130	823600	Otkup duga	329				#DIV/0!
131		<b>NETO ZADUŽIVANJE (NETO OTPLATE DUGOVA) (115 - 124)</b>	330				#DIV/0!
132		<b>UKUPAN FINANSIJSKI REZULTAT (95 + 113 + 131)</b>	331				#DIV/0!
133		<b>SINTETIČKA KLASIFIKACIJA FUNKCIJA VLADE (COFOG) (134 + 143 + 149 + 156 + 166 + 173 + 180 + 187 + 194 + 203)</b>	332				#DIV/0!



134	01	<b>Opće javne usluge</b> (od 137 do 142)	333					#DIV/0!
135	011	Izvršni i zakonodavni organi, finansijski i fiskalni poslovi, vanjski poslovi	334					#DIV/0!
136	012	Strana ekonomska pomoć	335					#DIV/0!
137	013	Opće usluge	336					#DIV/0!
138	014	Osnovno istraživanje	337					#DIV/0!
139	015	liR Opće javne usluge	338					#DIV/0!
140	016	Opće javne usluge n. k.	339					#DIV/0!
141	017	Transakcije vezane za javni dug	340					#DIV/0!
142	018	Transferi općeg karaktera između različitih nivoa Vlasti	341					#DIV/0!
143	02	<b>Odbrana</b> (od 144 do 148)	342					#DIV/0!
144	021	Vojna odbrana	343					#DIV/0!
145	022	Civilna odbrana	344					#DIV/0!
146	023	Inostrana vojna pomoć	345					#DIV/0!
147	024	liR Odbrana	346					#DIV/0!
148	025	Odbrana n. k.	347					#DIV/0!
149	03	<b>Javni red i sigurnost</b> (od 150 do 165)	348					#DIV/0!
150	031	Policijske usluge	349					#DIV/0!
151	032	Usluge protivpožarne zaštite	350					#DIV/0!
152	033	Sudovi	351					#DIV/0!
153	034	Zatvori	352					#DIV/0!
154	035	liR Javni red i sigurnost	353					#DIV/0!
155	036	Javni red i sigurnost n. k.	354					#DIV/0!
156	04	<b>Ekonomski poslovi</b> (od 157 do 165)	355					#DIV/0!
157	041	Opći ekonomski, komercijalni i poslovi po pitanju rada	356					#DIV/0!
158	042	Poljoprivreda, šumarstvo, lov i ribolov	357					#DIV/0!
159	043	Gorivo i energija	358					#DIV/0!
160	044	Rudarstvo, proizvodnja i izgradnja	359					#DIV/0!
161	045	Transport	360					#DIV/0!
162	046	Komunikacije	361					#DIV/0!
163	047	Ostale industrije	362					#DIV/0!
164	048	liE Ekonomski poslovi	363					#DIV/0!
165	049	Ekonomski poslovi n. k.	364					#DIV/0!
166	05	<b>Zaštita životne sredine</b> (167 + 172)	365	11.710.428,00	11.139.007,01	10.873.251,20	-571.420,99	95,12

167	051	Upravljanje otpadom	366						#DIV/0!
168	052	Upravljanje otpadnim vodama	367						#DIV/0!
169	053	Smanjenje zagađenosti	368						#DIV/0!
170	054	Zaštita raznovrsnosti flore i faune i zaštita krajolika	369						#DIV/0!
171	055	liR Zaštita životne sredine	370						#DIV/0!
172	056	Zaštita životne sredine n. k.	371	11.710.428,00	11.139.007,01	10.873.251,20	-571.420,99	95,12	
173	06	<b>Stambeni i zajednički poslovi</b> (od 174 do 179)	372						#DIV/0!
174	061	Stambeni razvoj	373						#DIV/0!
175	062	Razvoj zajednice	374						#DIV/0!
176	063	Vodosnabdijevanje	375						#DIV/0!
177	064	Ulična rasvjeta	376						#DIV/0!
178	065	liR Stambeni i zajednički poslovi	377						#DIV/0!
179	066	Stambeni i zajednički poslovi n. k.	378						#DIV/0!
180	07	<b>Zdravstvo</b> (od 181 do 186)	379						#DIV/0!
181	071	Medicinski proizvodi, uređaji i oprema	380						#DIV/0!
182	072	Vanbolničke usluge	381						#DIV/0!
183	073	Bolničke usluge	382						#DIV/0!
184	074	Usluge zdravstvene zaštite	383						#DIV/0!
185	075	liR Zdravstvo	384						#DIV/0!
186	076	Zdravstvo n. k.	385						#DIV/0!
187	08	<b>Rekreacija, kultura i religija</b> (od 188 do 193)	386						#DIV/0!
188	081	Usluge sporta i rekreacije	387						#DIV/0!
189	082	Usluge kulture	388						#DIV/0!
190	083	Usluge emitovanja i izdavaštva	389						#DIV/0!
191	084	Religijske i druge zajedničke usluge	390						#DIV/0!
192	085	liR Rekreacija, kultura i religija	391						#DIV/0!
193	086	Rekreacija, kultura i religija n. k.	392						#DIV/0!
194	09	<b>Obrazovanje</b> (od 195 do 202)	393						#DIV/0!
195	091	Predškolsko i osnovno obrazovanje	394						#DIV/0!
196	092	Srednje obrazovanje	395						#DIV/0!
197	093	Obrazovanje poslije srednje škole koje nije visoko obrazovanje	396						#DIV/0!
198	094	Visoko obrazovanje	397						#DIV/0!
199	095	Obrazovanje koje nije definisano nivoom	398						#DIV/0!
200	096	Pomoćne usluge u obrazovanju	399						#DIV/0!

201	097	liR Obrazovanje	400				#DIV/0!
202	098	Obrazovanje n. k.	401				#DIV/0!
203	10	<b>Socijalna zaštita</b> (od 204 do 212)	402				#DIV/0!
204	101	Bolest i hendikepiranost	403				#DIV/0!
205	102	Starost	404				#DIV/0!
206	103	Nasljednici	405				#DIV/0!
207	104	Porodica i djeca	406				#DIV/0!
208	105	Nezaposlenost	407				#DIV/0!
209	106	Stanovanje	408				#DIV/0!
210	107	Socijalno isključenje n. k.	409				#DIV/0!
211	108	liR Socijalna zaštita	410				#DIV/0!
212	109	Socijalna zaštita n. k.	411				#DIV/0!

U Sarajevu

Hadžić Jakup

Certificirani računovoda

M.P.

Dana, 03.02.2026.

dr. sc. Nasiha Pozder  
Rukovodilac



BOSNA I HERCEGOVINA  
FEDERACIJA BOSNE I HERCEGOVINE

FMOIT  
Nadležno ministarstvo

Federalno ministarstvo okoliša i turizma Sarajevo  
Potrošačka jedinica - glava

Sarajevo-Novoo Sarajevo  
Sjedište potrošačke jedinice

Obrazac BS

4201099470003

Identifikacioni broj

84.11

Šifra po kvalifikacionoj djelatnosti

6101

Organizacioni broj

0

Operativni broj

0560

Funkcionalni kod

10

Fond

Pojedinačni obrasci:

Konsolidovani obrasci:

**BILANS STANJA**  
na dan 31.12.2025. godine

- u KM -

R.b.	Broj kanta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
1	2	3	4	5	6	
1		<b>I AKTIVA</b>				
2	<b>100000+</b> <b>200000</b>	<b>A. Gotovina, kratkoročna potraživanja, razgraničenja i zalihe (3 do 10)</b>	<b>001</b>	<b>2.076.385</b>	<b>1.230.368</b>	<b>168,76</b>
3	110000	Novčana sredstva i plemeniti metali	002	466	463	100,65
4	120000	Vrijednosni papiri	003			
5	130000	Kratkoročna potraživanja	004			
6	140000	Kratkoročni plasmani	005			
7	160000	Finansijski i obračunski odnosi sa drugim povezanim jedinicama	006	2.074.711	1.228.697	168,85
8	210000	Zalihe materijala i robe	007			
9	220000	Zalihe sitnog inventara	008			
10	190000	Kratkoročna razgraničenja	009	1.208	1.208	100,00
11	<b>000000</b>	<b>B. Stalna sredstva (14+17+20+21)</b>	<b>010</b>	<b>1.664.390</b>	<b>1.522.905</b>	<b>109,29</b>
12	011000	Stalna sredstva	011	4.490.011	4.069.940	110,32
13	011900	Ispravka vrijednosti stalnih sredstava	012	3.793.831	3.625.177	104,65
14	011-0119	Neotpisana vrijednost stalnih sredstava (12-13)	013	696.180	444.763	156,53
15	020000	Dugoročni plasmani	014	968.210	1.078.142	89,80
16	029000	Ispravka vrijednosti dugoročnih plasmana	015			
17	020-029	Neotpisana vrijednost dugoročnih plasmana (15-16)	016	968.210	1.078.142	89,80
18	031000	Vrijednosni papiri	017			
19	031900	Ispravka vrijednosti vrijednosnih papira	018			
20	031-0319	Neotpisana vrijednost vrijednosnih papira (18-19)	019			
21	09	Dugoročna razgraničenja	020			
22		<b>UKUPNA AKTIVA (2+11) = 41</b>	<b>021</b>	<b>3.740.775</b>	<b>2.753.273</b>	<b>135,87</b>

\* 1 0 5 4 2 8 6 7 1 5 6 9 7 \*

str. 1 od 2

Kontrolni broj: 1054286715697



R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
	1	2	3	4	5	6
23		<b>II PASIVA</b>				
24	300000	<b>A. Kratkoročne obaveze i razgraničenja (25 do 30)</b>	022	2.076.385	1.230.368	168,76
25	310000	Kratkoročne tekuće obaveze	023	1.848.273	1.037.531	178,14
26	320000	Obaveze po osnovu vrijednosnih papira	024			
27	330000	Kratkoročni krediti i zajmovi	025			
28	340000	Obaveze prema zaposlenicima	026	201.412	168.953	119,21
29	360000	Finansijski i obračunski odnosi s drugim povezanim jedinicama	027			
30	390000	Kratkoročna razgraničenja	028	26.700	23.884	111,79
31	400000	<b>B. Dugoročne obaveze i razgraničenja (32+33+34)</b>	029			
32	410000	Dugoročni krediti i zajmovi	030			
33	420000	Ostale dugoročne obaveze	031			
34	490000	Dugoročna razgraničenja	032			
35	500000	<b>C. Izvori stalnih sredstava (36+37+38+39-40)</b>	033	1.664.390	1.522.905	109,29
36	510000	Izvori stalnih sredstava	034	696.180	444.763	156,53
37	520000	Ostali izvori sredstava	035	968.210	1.078.142	89,80
38	530000	Izvori sredstava rezervi	036			
39	590000	Neraspoređeni višak prihoda nad rashodima	037			
40	590000	Neraspoređeni višak rashoda nad prihodima	038			
41		<b>UKUPNA PASIVA (24+31+35) = 22</b>	039	3.740.775	2.753.273	135,87

Sarajevo-Novo Sarajevo, 03.02.2026.  
Mjesto i datum

HADŽIĆ (SAFET) JAKUP  
Certifikovani računovođa

Nasiha Pozder  
Rukovodilac

M.P.



Bosna i Hercegovina  
Federacija Bosne i Hercegovine  
FEDERALNO MINISTARSTVO  
OKOLIŠA I TURIZMA

Bosnia and Herzegovina  
Federation of Bosnia and Herzegovina  
FBiH MINISTRY OF  
ENVIRONMENT AND TOURISM

Broj: 08/2-11-6-699/25  
Sarajevo, 05.05.2026. godine

**URED ZA REVIZIJU INSTITUCIJA U FBIH**

Ložionička 3  
71 000 Sarajevo

**IZJAVA RUKOVODSTVA**

Ova izjava (u skladu sa zahtjevima ISSAI-ja 2580) daje se u vezi s vašom finansijskom revizijom **Federalnog ministarstva okoliša i turizma za 2025. godinu**, u svrhu izražavanja mišljenja o tome da li finansijski izvještaji daju istinit i objektivni prikaz, po svim materijalno značajnim aspektima, u skladu s posebnim propisima Federacije BiH za budžetske korisnike o računovodstvu i finansijskom izvještavanju u javnom sektoru. Izjava se daje i u svrhu potvrđivanja da su aktivnosti, finansijske transakcije i informacije, prikazane u finansijskim izvještajima **Federalnog ministarstva okoliša i turizma**, u svim značajnim aspektima usklađene s nadležnom zakonskom i drugom pravnom regulativom.

Potvrđujemo sljedeće (po našem najboljem znanju i uvjerenju, nakon ispitivanja koje smo smatrali neophodnim kako bismo se odgovarajuće informisali):

*Finansijski izvještaji*

- Ispunili smo svoju odgovornost za pripremu finansijskih izvještaja u skladu s posebnim propisima Federacije BiH o računovodstvu i finansijskom izvještavanju u javnom sektoru.
- Značajne pretpostavke koje smo koristili u izradi računovodstvenih procjena, uključujući i one mjerene po fer vrijednosti, razumne su i osnovane.
- Odnosi i transakcije između povezanih strana adekvatno su računovodstveno obuhvaćene i objavljene u skladu s posebnim propisima Federacije BiH o računovodstvu i finansijskom izvještavanju.
- Pravilno smo procijenili, evidentirali i objavili sve gubitke po osnovu nenaplativih potraživanja, preuzetih obaveza i obezvređivanja imovine.
- Preduzeli smo neophodne aktivnosti da spriječimo prevare i zloupotrebe javnih sredstava za slučajeve koji su nam bili poznati.
- Nije bilo neusklađenosti sa zahtjevima nadležne zakonske i druge pravne regulative, koje bi, u slučaju nepoštovanja, mogle imati materijalno značajne efekte na finansijske izvještaje.
- Nabavke roba, usluga i radova proveli smo u skladu sa Zakonom o javnim nabavkama u BiH, rukovodeći se principima racionalnog trošenja javnih sredstava i obezbjeđivanja najboljeg kvaliteta nabavljenih roba, usluga i radova.

Ul. Hamdije Čemerlića br.2, 71 000 Sarajevo, telefon 00 387 33 726 700, telefax 00 387 33 726 747,  
e-mail: fmoit@fmoit.gov.ba, www.fmoit.gov.ba



- Postupili smo u skladu sa svim aspektima odredbi ugovora (koje smo zaključili tokom godine ili u ranijem periodu), a koje bi, u slučaju nepridržavanja, mogle imati značajne efekte na finansijske izvještaje.
- Sve transakcije su evidentirane u računovodstvenim evidencijama i prezentovane u finansijskim izvještajima.

Omogućili smo vam:

- pristup svim poslovnim knjigama, evidencijama i dokumentaciji, za koje smatramo da su relevantne za pripremu finansijskih izvještaja;
- pristup svim informacijama o sudskim sporovima u toku, pokrenutim protiv **Federalnog ministarstva okoliša i turizma** i koje je pokrenulo **Federalno ministarstvo okoliša i turizma** i procjenu ishoda tih sporova;
- pristup dokumentaciji vezanoj za sudska poravnanja i isplate po tim osnovama;
- dodatne informacije koje ste zahtijevali od nas za potrebe revizije;
- neograničen pristup osobama koje rade u **Federalnom ministarstvu okoliša i turizma** za koje ste utvrdili da je neophodno da daju revizorske dokaze.

#### *Pružene informacije*

- Otkrili smo vam sve poznate slučajeve neusklađenosti sa zakonskom i drugom pravnom regulativom ili sumnjama da one postoje.
- Otkrili smo vam identitet povezanih stranaka subjekta i sve odnose i transakcije koje su nam poznate.
- Dali smo sve informacije u vezi s prevarom ili sumnjom da ona postoji, za koje imamo saznanja i koje mogu uticati na subjekt, a uključuju:
  - rukovodstvo;
  - zaposlene koji imaju značajnu ulogu u internoj kontroli ili
  - ostale, gdje prevara može imati značajan učinak na finansijske izvještaje.

